

才之相信國公文忠然先生全集卷之二

十九世孫攀丹男

邑庠大學

生光

裕

孫克漢編輯

淳洋

濟泗

內制

擬進御筆

為馬丞相趙會書上奏留平章

書曰三人占則從二人之言蓋占取其同自二人之同推之卿士庶民無往不同者斷相欲去二府以為

不可去是千萬人皆以爲不可去矣朕自師相有請
寢食不爲安朕必不能違衆心師相亦必不忍違朕
心嗚呼尚鑒時愧永綏在位師相其聽之哉所請宜
不允

又擬

周公相成王終身未嘗歸國孟子當齊世不合故致
爲臣莖常情以去莖爲輕惟大臣以安危爲重苟利
諸國皇恤其身若罔元勲爲我師相先帝付託大義
所存太母留行前言可覆胡爲以死而欲告休惟醫

藥所以輔精神惟安身所以保家國古者之賜几杖

雖當七十而不得引年我朝之重翰章雖過九旬而尚使爲政勉釐重務勿因取懷所請宜不允

此先生直翰林院時伐言一二也留平章二批已進呈御前賈似道有聞嫌所擬無過褻之辭且怒不先呈已諷諭別直院官改作進呈批出竟不用先生所擬先生卽引先朝楊大年在翰林草詔以一字不合真宗聖意明且擬唐故事學士作文書有所改爲不稱職當罷因亟求解職丐祠引去賈似道以漆木史作字至先生勉留大畧云直院楊大年故事豈非亦有大年性氣耶如

朝以爲異後來皆以爲常近日馬王二直院所擬
未嘗不反覆更定既曰天子私人又豈不通商量
只如年年春帖自有一等忌諱字面上每令似道
諭詞臣再三改定諸公亦惟知謹承上意直院特
未知之耳幸不必過爲突兀而有選心至叩率
台照先生貼名繳還來槩又上第三章力丐祠東
攜出國門而臺疏罷命出矣先生有詩曰當年
爲青山談直草君王一詔歸是也

道體堂謹書

擬冊立皇太子文

夙興夜寐休惕惟厲懼無以追配於前猷自底不類
乃季秋將有事明堂思惟皇天全付于有家繼繼承
承於千萬年祖宗在天眷相惟茲蔽白朕志貽厥匪
謀於一人有醜郊廟神祇祖考將安樂之皇帝曰猷
其官皇子某爾忠孝豈弟少如夙成朕用寵爾王其
衍爾貽禽欽乃服命克懋厥德惟爾休昭事有慶錫
爾圭鬯薄海內外罔不咸一其耑爲皇太子改省某
嗚呼厥惟我前人造天丕基劔守維艱哉天難其命
靡常民罔常懷懷于有仁戒之哉爾惟親正人學事

古訓罔遊于盤罔淫于逸罔以非道孫志罔以古之人無聞知尊德崇道由仁義行乃若時守宗廟社稷以爲祭主天地神人無靈惟休朕不失爲知子爾亦有令名於戲欽哉

表牋

門謝表

臣某言伏準省劄五月二十八日三省同奉聖旨文天祥深差養醫寧海軍節度判官廳公事仍遣某臣以賜第之初未經門謝未敢祗拜劄命申乞特旨以準省札七月十一日三省同奉聖旨令某臣

勞招奉清問以據忠諫承親擢尚阻紫宸之謝運叨
黃紼之餘曠世遭逢瞻天感激臣切以賓興下詔同
天地宗祀之彝科舉取人代造化爵賢之柄豈曰利
人才之進取其間實天道之流行肆萬乘之臨軒受
諸侯之貢士占小善者率以錄咸造在廷取一人焉
拔其尤必有名世豈應庸瑣可在蒐羅臣稟質既凡
聞道猶淺才非洛陽之年少偶玷薦書學非廣川之
大儒遽塵舉首自叨異數亦既三年回思臚唱之蒙
恩莫與鳧趨而奉表有懷就日無路踐天方徬徨於

丘園乃寵緩其祿秩輒請展爲臣之禮幸許修詣闕
之恭茲蓋伏遇皇帝陛下德體乾行道符常久世更
三紀遠追成周式化之風歲啓後庚近接藝祖開基
之運凡際風雲之會咸依日月之光遂令一介之姓
名亦被九重之記錄臣敢不誓堅素守勉全前修自
揆讀書非爲平生溫飽之計願言竭節用副上心忠
孝之期臣無任瞻天望聖激切屏營之至謹奉表陳
謝以聞

湖南提刑到任謝皇帝表

帝庭敷命昭闕四門天牧接刑誤領一節幸以造

之有... 已... 之... 月... 陽... 動... 賦... 海... 倫... 具... 有... 伊... 命... 日... 本...
無他技惟有孤忠兩朝特達之知濟塵清要十載行
難之跡祇自憐尤雲霄之義方屯天地之心已復當
元日達聰之始在臯華遣使之中聖恩靡許於祝釐
臣職敢稽於行道瞻益高而下耳冀用譽於折肱茲
蓋恭遇皇帝陛下道協重華仁周四表崇德廣業合
乾轉坤翕之功折獄致刑得震動離明之刑遂令承
乏復忝司平臣敢不祗若咨詢對揚欽恤陳時臬事
尚弘康乂之圖受王嘉師永迪明清之訓

謝皇太后表

司平楚甸命出嚴宸告至周原恩歸慈極敢竭屏
仰謝徽音伏念臣一介寒微兩朝知遇傾葵向闕私
無補於使令啜菽杜門祗自深於觀省當元日會同
之始拜公朝投拭之仁言遣使臣往陳臬事華省端
須於趣旨叢祠竟秘於俞音勉臣子之驅馳見吏民
而宣布茲蓋恭遇壽和聖福皇太后陛下心超有極
逆合無疆長信怡愉贊災圖之昌運大任肅穆開蒼
籙之隆平宜擇攸司俾敬爾獄臣敢丕丕承欽恤
布慈仁又我黎民尚想無刑之治于其王母敢忘
福之元

君子審官道隆儼極皇華遣使命出治朝德意具宣
悅辭告至伏念臣疎庸一介遭遇兩朝早綴班行嘗
忝金科之屬繼乘使傳復塵繡指之行曲成每載於
釐明退食難逃於吏議不圖元會復錫恩言拔拭起
家往陳時臬馳驅在道寅奉天威泣且攸司欽哉乃
職茲蓋伏遇皇后殿下德侔坤地位正家人闕雖之
化既行用之天下象魏之法使布正自玉宮爰取踐
更載叨詳讞臣敢不靈承欽恤祇若平反無刑以文
黎民誕敷聖化式敬以長王國永誦徽音

大夏長羸坤二爻之紀季千秋似續震一索之揆初

瑞彩緣車歆顏丹展恭惟皇帝陛下德流苞水業茂

蘿圖壽富多男積善必有餘慶本支百世命吉在曠

初生記甲觀之瑞分占乙祿之祚遠臣糜身軫笠戴

目心星誦德子之宜君首歌周雅祝萬年之爲父夏

續唐詩

賀皇太后表

福于王母際南面之昌期天以神孫娛東朝之永日

書堂瑞節長樂歡聲恭惟壽和聖福皇太后

書堂瑞節長樂歡聲恭惟壽和聖福皇太后

分克開厥後皇皇穆穆繼繼承承臣迹滯騏原心
鳳閣本支百世播絲戠之聲詩怡愉萬年衍含節之
福慶

賀皇后箋

坤后廣生式協二爻之月震男揆度載逢一索之期
慶衍蘿圖喜充椒掖恭惟皇后殿下道柔配地德厚
承天以御于家爲今京室之婦則樂有子如古周南
之風百世本支萬年福祿臣迹縻社轡心賀燕謀吉
斯干之詩已符吉慶美思齊之德益嗣徽音

皇子進封左衛上將軍嘉國公賀皇帝表

乾父垂仁茂積蘿圖之慶震男鍾美肇基茅土之邦
百世可知四方來賀洪惟昭代爰立親親粵有舊章
禮優貴貴助祥符之七載侈慶國之初封綺仗分班
琛珪疏寵庸表人倫之厚適觀王室之盛式于今休
監于成憲恭惟皇帝陛下福培周厚和緝堯雍寶曆
無疆方萬年而受祐金枝有熾期億予以靈君錫以
嘉名渙其大號地營東并詔爵五之最穹天拱北辰
炳心三之相照克昌厥後長發其祥臣有蹇牡駢阻

隨虎拜祉歌子施遙陳皇矣之詩道盡若

賀皇太后表

東朝保艾方隆堯母之仁西國分茅式篤文孫之慶
兩宮喜色萬宇歡聲恭惟壽和聖福皇太后陛下德
厚慈元神怡長樂尊之至也上承視膳之勤宜爾繩
兮下適含飴之趣瑤池日永玉葉春濃臣遠被繡衣
踰瞻綵仗于其王母知介壽之來崇佑我後人願不
圖之有術

賀皇后牋

坤稱乎母儼家服於椒塗震索而男赫龍光於茅土

長秋喜色方憂歡聲恭惟皇后殿下含弘承天博厚
配地祥鍾長祭熾商後於有妖音繼思齊培文昭於
大妣圭瓊焜煌於綺仗芾朱輝映於褊衣臣遠驟華
原踰瞻藻殿想宣君之穆穆茂對王休侈多子之繩
繩載歸后美

皇女進封同壽公主賀皇帝表

乾見大人道風隆於乾體與爲長女命爰寵於翼申
喜溢宮庭歡騰海宇竊惟興君之際必有積善之餘
播在正風則曰王姬之美陳于小雅是爲女子之祥

無非歌福祿之同于以表國家之盛

而理溫柔以容苞體深仁既茲誕瓜之辰
厚積復培穠李之華始封爰遴於嘉名遐計永齊於
臣跡庶使事身隔賀班親愛如家遙贊人倫之
片肅雍廸教適觀王道之成

賀皇太后表

周家福祿積由任姒之仁堯母聖神親覩娥英之慶
闡盛典海宇歡聲恭惟壽和聖福皇太后陛下南
極景光東朝綦貴有功寶祚既開聖子之傳流澤銀
潢爰毓天孫之瑞贊初封於沁水同土壽於瑤池臣
遠玷皇華踰瞻長樂怡愉太后諒承婉婉之娛雍肅

王姬益表儉慈之教

賀皇后殿

坤萬物之資生實蕃慶積與一索之調長助對命申
喜氣宮闈歡聲海宇恭惟皇后殿下關雎孝敬芣苢
和平灼灼宜家夙範華桃之懿雍雍成德茂鍾穠李
之英竇然錫沁水之封展也同長秋之壽臣遠縻苞
祀遙睇塗椒風以周南仰化原之洵美觀于堯女願
母道之浚明

知贛州到任謝皇帝表

九重選收錫類天寬千里承流
親地起方共堯舜

夙自厲於母心家有重親晚相依於白髮頃叨漢傳
往卽楚封何敬非刑粗礪審克不遑將母私切懷歸
嘗懇懇以陳情冀高高之從欲適蒙異渥特昇近席
繼盼旨以趣征已鞠躬而祇上祿及一門之微賤恩
同大造之生成茲蓋伏遇皇帝陛下以堯舜之資行
曾閔之道嗣寧王之大歷忠貞以奉太后之萬年
與天齊壽遂使忝求芻蕘之寄亦獲其暇菽之歡臣敢
不老老及人親親爲政由家達國期興讓以興仁以
子移臣寓爲忠於劄孝

謝皇太后表

東朝鴻慶介壽無疆南國虎符便親有命荷中宸之
渙寵望慈極以暇忱伏念臣一介迂疎兩朝遭遇昔
備殫於敬歷無以迺人頃間任於驅馳不遑將母惟
內懷於烏哺遂上徹於蟻忱果分二水之麾爰易三
湘之節惟壤地接故可以供菽水之職惟土風習故
可以盡芻牧之心自省叨踰若爲報稱茲蓋恭遇壽
和聖福皇太后陛下德光堯母功配周姜壽錫萬年
享怡愉之福化流四海推慈孝之仁遂令下吏之徒

榮獲以迺封而就養臣敢不祇承德意誕布恩言

謝皇后殿

慈極承天恩深錫類廉車易地職重分符布聖德之
中和便親闈之溫清伏念臣起繇孤遠積有迂疎骫
體半生於事君而何補驅馳近歲以將母而未能屬
爲養以陳情荷畀矜而從欲三湘納節二水授麾回
刺史之車庶乎爲子捧郡守之檄專以爲親俾昌實
多糜捐曷稱茲蓋恭邁皇后殿下道隆埤厚德配乾
仁大雅思齊媚周姜而穆穆長秋備禮奉漢母以愉
愉遂令疎遠之微臣亦效旨甘於便嬾臣敢不恪恭

侯度茂對王休崇關雎卷耳之風廸惟懿則篤南陔
白華之行施及遐萌

壽崇節煇燦贊皇帝表

天子有親備四海九州之奉封人祝聖同萬年億載
之期凡屬照臨舉同呼舞恭惟皇帝陛下剛健中正
緝熙光明燭六合而耀八紘功參天地躋三皇而軌
玉帝道御家邦紹巍巍蕩蕩之勲盡尊尊親親之養
怡愉誕節光大前聞臣獲布寬條幸逢盛際鸞鷲阻
綬莫旅賀於東朝螻蟻傾忱惟仰瞻於南極

於萬期年慈愷有慶誠張厥戶永作
縉紳舞蹈恭惟壽和聖福皇太后陛下道超太始德
厚重坤闢睢周南之風夙陶美化思齊文王之母懋
著徽音衫衣初奏於薰絃宮珮畢朝於慈展親下袞
龍之拜載陽朝鳳之音呼萬歲者三歡騰朝野等百
世而上福衍子孫臣叨守魚符莫陪駕序我百而爾
九十諒喜溢於舉觴心一而臣三千第神馳於拱極

賀皇后殿

太姒之嗣太任星重慈極長秋之朝長樂天界壽祺
流慶九霄比隆千古恭惟皇后殿下明章德範陶治

化風大練厚繒訓四方之節儉宵衣旰食脩五位之
勤勞省似徽音婉愉誕序厚符坤地吉萃家人臣述
守遐邦忻逢華旦仰瞻帝闕莫陪振鷺之班下與邦
民同被關雎之化

壽崇節兵馬鈐轄司賀皇帝表

天子蓋敬事親丕昭瑞節臣卜歸美報上同祝脩齡
覆載兩朝頌歌四洽恭維皇帝陛下克勤克儉無怠
無荒克以是傳道莫高於虞舜文所以聖德益顯於
大任有開麗水之祥適際瑤池之會臣屬糜戎鍵

綬班聯北面而朝悅天威之尺五南山之壽效臣

之呼三
賀皇太后表

金闕日長尊處宸闈之極玉卮春滿誕膺法駕之朝
凡在式圖率均擊壤恭維壽和聖福皇太后陛下心
遊恬淡德著慈仁隆周召之風人倫旣正養黃老之
性母道獨尊皇穹申方至之休壽命衍無疆之筭臣
猥分郡組共貳戎緇迹遠觚稜帷幄諭瞻於長樂枕
同葵藿笙璫第想於承華
賀皇后牋
座於少廣慶慈極之誕彌朝於寤門助聖人之教愛

黼展端臨交上華封之祝椒塗內助仰承京室之規
喜溢六宮和薰八表恭惟皇后殿下靜專成性徽懿
秉姿理箝進庭燎之儀絜絜有度弓調奉高禋之祀
燕翼發祥際上帝敷商之辰懋塗山興夏之德仰占
七政日月並明俯鑒四方岡陵齊壽臣分符江右化
被周南首贊乾亨體天行之不息更新坤載協地道
之無疆

乾會節鈔司賀皇帝表

龍首庶物觀天德之照臨虎拜萬年對王休而昭
堪輿協氣海宇頌聲恭惟皇帝陛下神聖整齊

經緯諸福畢至一登再登三登我武維揚五代六代
七代虹渚載臨於盛旦鳳音遙想於明庭臣通領鈐
符恪共官次葵傾觀闕阻陪就日之班花覆簪紳喻
謝霽雲之宴

賀皇太后表

天下傳歸於子降寶冊之鴻名聖人教愛以親上玉
后之壽壽非常之慶嘉頌攸同恭惟壽和聖福皇太
后陛下冲澹順神儉慈孚化輔佐先帝夙殫卷耳之
勤愉佚東朝允著思齊之聖昉前殿紀誕彌之日正
羣方傾就望之忱肆膺鳳輦之朝親下龍綃之拜臣

屬縻戎鍵阻綴班行現五色之雲知獻占於太史舞
兩階之羽諒增喜於慈顏

賀皇后牋

上萬歲之壽咸頌聖人形四方之風實基王化凡居
持載罔不騅呼恭惟皇后殿下生稟靜柔安行雍肅
躬河洲采芣之潔列聖顧歆翼寢門視膳之恭慈顏
和懌合坤其順遡日而明欣聆嵩嶽之呼並受華封
之祝臣俯共武服仰贊壽觴星之遠天之高陞莫瞻
於九級漢之廣江之永詩但誦於二南

家有嚴君托中興之昌歷天以聖子作大國之宗
喜溢宮闈慶闕宗社恭惟皇帝陛下懋昭聖德厚正
人倫保天命以宜君四方無侮貽孫謀而翼子百世
可知爰綴嘉名載敷天號敬哉有土肇基二水之邦
格於皇天式應三暉之曜俾耆而艾長發其祥臣庶
跡侯方傾心魏闕監王威憲願垂謨烈之休啓我後
人益壯本支之盛

賀皇太后表

東朝介福式彰母道之尊南國分封庸廸孫謀之吉
兩宮交慶百世彌昌恭惟壽和聖福皇太后陛下長

樂怡愉大庭游衍登以天下口承和池正于家人春
生玉葉贊苴茅於浯水壯絲於宗藩臣述在侯方
阻瞻宸仗思齊祈以聖遠頌徽音皇矣莫若周益隆
世德

賀皇后賤

母資坤德之生椒塗襲慶男正家人之吉茅土分封
宗社延洪宮闈闔懌恭惟皇后殿下承天光大法地
蕭專成美化于周南言能逮卜嗣徽音於京室予以
御家屬聖子之勝衣贊嚴君之錫爵臣遠縻外服阻

造內班正風俗以厚倫永歌后德輔皇王之維

皇子賜名鈐司賀皇帝表

天佑我家篤生聖嗣國有鉅典肇建宗藩社稷靈長
神人孚洽恭惟皇帝陛下禮行貴貴愛立親親撫寶
曆之昌期萬年福祿演銀潢之慶澤百世本支爰重
燕謀載頌鴻號于疆于理地營浯水之邦有翼有馮
星拱周廬之衛克開厥後俾熾而昌臣遠繫戎韜愉
瞻文石施于帝祉德已動於監觀保我後生命更歌
於壽考

賀皇太后表

堯母怡愉介于景福湯孫岐嶷錫以嘉名慶衍宗祜
歡隆慈極恭惟壽和聖福皇太后陛下爰清爰靜曰
希曰夷佐先帝之中興雞鳴有度膺嗣王之孝登燕
翼成謀爰鍾受於綠車乃分符於赤社臣恪恭武服
阻造王庭以御于家隄贊思齊之德克開厥後佇感
皇武之功

賀皇后牋

坤稱乎母作德配天震索而男建和有土慶成宗社
喜溢官庭恭惟皇后殿下芣苢和乎關雎孝敬嗣序
徽於京室在朝在宮明子道於家人正內正外

以周南之化喻贊螽斯烝哉豐水之謀適觀燕翼

皇帝登寶位本州賀皇帝表

天作之君表冠倫之大聖父傳於子昭立嫡之至公
曆數維新神人胥慶恭惟皇帝陛下以周元子爲舜
重華大德生知聰明以臨齊莊以敬一人有慶進退
可度容止可觀積累厚而孫謀深謳歌同而神器定
無爲而治有道之長臣叨領虎符喻瞻龍御建皇極
而王天下幸際昌期開明堂而朝羣臣聳觀初政

賀太皇太后表

肇聖德之龍飛運開昌曆垂孫謀之燕翼功出慈宸
九廟尊安八紘抃蹈恭惟壽和聖福太皇太后陛下
道光任姒行邁塗莘範肅東朝性適合節之樂規重
南面養新視膳之榮光昭嫡統之傳丕衍皇家之慶
臣叨紆守綬阻遙賀班頌皇帝之萬年永言齊壽佑
寧人之大歷尚克圖功

賀皇太后表

震出麗天重明繼序坤稱正位一統蒙休基祚斯皇
幅員胥慶恭惟皇太后陛下陛下先帝憂勤王家思

媚周姜履職於京室訓諭爲子服勤於塗山

昭南面之符光疊東朝之矩臣屬廣候服膺企慕
嫡統無疆已慶大橫之兆嗣徽有秩尚稽小苾之謀
皇帝登寶位鈐司賀皇帝表

乘時御極宣日月之重光居嫡宅尊大春秋之一統
幅員愛戴宗社安強恭惟皇帝陛下仁孝生知聰明
時又踐寧王之丕祚大歷維新奉文母之徽音皇天
有慶宏首正飛龍之御以上承翼燕之貽無疆維休
有相之道臣濫巾戎轄阻遙朝班五百歲而生幸親
見聖萬億年其永不替惟王

賀太皇太后表

兆協大橫運在當命之聖講貽小毖功歸太上之慈
綱統延洪皇圖鞏固恭惟壽和聖福太皇太后陛下
躬基美化教闡徽音彤管光華醜豐功於祖烈練衣
補素示懿訓於孫謀聿新歷服之傳式副簾帷之託
臣司戎共貳望闕呼三庶民近天子光忻逢昌曆太
極爲元氣母永迺初基

賀皇太后表

震主宅尊光紹寧王之命坤元居正適彰太妣之音
一統親傳萬邦胥慶恭惟皇太后陛下功侔持載德

備含弘風化二南衍傳家之忠厚本支行世

之聖明大春移工如之書原曰月王六六
鈴綬四造軒帷在天利見大人已孚文命介福于其
王母長詠恩齊

訓皇帝登極赦文表

日月重離開國家之休運雷雨作解溥天地之至仁
萬邦咸休一人有慶恭惟皇帝陛下堯文光宅舜德
出寧神聖爲君不受皇天之命春秋立嫡聿昭正統
之宗爰肆菁於端門示湛恩於熙代臣猥分銅虎隄
企金雞大人繼照四方聳觀初政皇極敷錫五福第
奉寬書

太皇太后加尊號本州賀皇帝表

御丕圖於南面順應天人崇徽冊於東朝重增宗社
億年緝典萬國懽心恭惟皇帝陛下皇極之宗人倫
之至性同符於堯舜達道升聞訓一本於姜任徽音
有秩紹寧王之明命彰祖后之尊稱臣分牧有嚴承
休胥抃介福于王母難名太上之功肖德以神孫願
其無疆之號

賀太皇太后表

鴻名揚厲用彰重慶之尊龍展繼承懋舉盡倫之制
明廷孚號寰宇傾心恭惟壽和聖福太皇太后陛下

德備儉慈教修愛敬佐我烈祖成天保之憂勤
神孫示思齊之雍肅粹美翟禘之服增華琬琰之章
臣屬守銅符欣傳寶冊同御延和之殿誕頒前猷尊
居慈福之宮永言至飿

賀皇太后表

統繼堯天重華協德位隆文母大姒嗣音寰宇休明
內庭肅穆恭惟皇太后陛下行高配地功大補天轉
先帝以重光憂勤夙至肇嗣王之丕緒福祿方來奉
寶冊於重閣壽皇圖於覆載臣屬庶郡綬阻遙廷紳
咸曰太皇已慶元和之壽願言帝母永肩長樂之名

太皇太后加尊號鈐司賀皇帝表

皇圖嗣慶著母道於重坤鉅冊稱尊告王庭而大渙
宮闈增重宗社蒙休恭惟皇帝陛下德爲聖人孝治
天下待宣仁之聽斷元祐同符稟慈福之起居紹熙
儷美播無爲之懿號隆太上之徽音臣猥介戎鈐聳
觀國典思齊文母旣彰有德之雍雍於赫湯孫願其
厥聲之穆穆

賀太皇太后表

離日方升光傳國寶坤元重慶肇建鴻名福萃三宮
歡騰八表恭惟壽和聖福太皇太后陛下佐佑皇祖

怡愉東朝德配姜任楠丕基於蒼鏡功高馬登扶海
業於炎圖宜效美於思齊大歸尊於長樂臣偶叨戎
輶阻綴朝班丕哉烈丕哉謨共候嗣王之政得其名
得其壽載揚太上之休

賀皇太后表

晉大號於慈闈位隆長樂紹丕基於萬世慶本慈元
命肅沿朝禮行廣內恭惟皇太后陛下頤神冲澹履
行靜專美紹思齊宜毓文王之聖訓垂訪落實開成
后之謀贊重慶於御簾堆有尊於臨制臣猥分戎輶
諭聽恩綸望少廣之宸居莫班獸舞頌長秋之壽曆

同播鴻名

皇太后加尊號本州賀皇帝表

嗣王受此丕基光膺明命文母介以繁祉祇奉嘉名
典冊流輝幅員有慶恭惟皇帝陛下一人出震五位
乘乾玉質金相嗣延洪之大曆寶禘羽翟奉雍肅之
徽音光進瑤編重增閔祚臣叨分虎壘愉望龍墀保
佑恩深已際大明之運怡愉樂永更揚齊壽之休

賀太皇太后表

毓正神孫方布應門之詔位尊祖后復隆京室之稱
重慶萬年丕休四海恭惟壽和聖福太皇太后陛下

性超太上德應黃中元祐大功法宣仁之鞠育紹
新政燕慈福之起居宜履坤極之嘉名式趾太宸之
芳躅臣屬分使服欽誦三輪天子必有所尊已光載
籍聖德無加於孝長戴兩宮

賀皇太后表

坤稱正位訓迪嗣王渙號揚庭尊歸文母簾帷介福
社稷垂榮恭惟皇太后陛下德著憂勤躬行慈儉虞
嬪觀子爲泐密贊聖謨后稷生於姜嫄美鍾神胄晉
長信尊尊之號嗣思齊秩秩之音臣忝守藩維阻越
軒陛得其名得其壽幸同萬國之歡宜爾子宜爾孫

永頌兩宮之慶

皇太后加尊號鈐司賀皇帝表

重明以繼大人瑤圖垂慶介福而于王母玉冊有光
瑞溢簾帷重闕宗祏恭惟皇帝陛下敬仁成性曆數
在躬惟后綏猷蹈堯舜之孝弟因親教愛奉任嬖之
肅雍宣申慈極之尊式表聖倫之至臣叨兼兵轄喻
企陛簾贊長信之徽稱已光漢制頌塗山之丕訓益
大禹功

賀太皇太后表

嗣皇奉冊尊居長信之名祖后宣猷夙邁恩齊之訓

萬年集慶八表蒙休恭惟壽和聖福太皇太后陛下
德邁維華道高于泃金車玉路備三世之典章寶翟
珍禘示六宮之法度美慈宸之壘矩揚大號以同符
臣兼領戎鈐竦聆郵綽德壽早朝之典已慶淳熙延
和同御之功益歌元祐

賀皇太后表

父母克昌厥後光紹皇圖大德必得其名慶隆寶冊
四方來賀百志惟熙恭惟皇太后陛下陰教齊家慈
元正位推爲美化邁周召之二南著在徽音紹姜任
之大雅宜膺渙號增重坤稱臣適貳誦鈐聳聆綸綽

履歷文苑全書
踐其位行其禮莫重尊親求厥寧觀厥成適追來孝
太行皇帝卅週年本州慰皇帝表

堯父宅尊春秋鼎盛祀天告陞遠邇震驚降割非常
銜哀罔極恭以去行皇帝神聖文武濟蒼溫恭萬千
歲怡愉恪盡東朝之養十一年寅畏適禘上帝之威
期壽考之惟休俄憂勤而積疾詎圖大漸驟至遐征
望欲斷於遺弓念恐傳於憑几恭惟皇帝陛下有仁
有孝盡制盡倫克念先猷根聖人之至聖誕承慈訓
服天下之通喪願以邦於孝思致哀於壽器臣屬

守級哀捧告書其神祭問之恭維切孝祝之痛

愍太皇太后表

雞鳴問寢方慈極之深居龍去遺弓忽皇輿之新陟
宮闈震悼海宇摧傷恭惟壽和聖福太皇太后陛下
德備周姜道光堯母東朝垂訓曾不改於儉慈南面
積憂遽忍遘於溫清驟罹國殃諒切聖懷少寬憑几
之思式副御簾之託

愍皇太后表

皇靈新陟變撫遺弓儻極永懷悲興捐珙六宮哀痛
九宇摧傷恭惟皇太后陛下坤道宅中家人位正服
簪而諫期共濟於中興綴衣于庭恐遽聞于末命雖

委裘之悲至切而定鼎之託方新願制盡傷永綏敷
遺云云

大行皇帝升遐鈐司慰皇帝表

王宣日中方慶垂衣之治父有天下遐傳憑几之言
宗社憫凶幅員哀痛其以大行皇帝王道正直帝德
簡寬奉長樂之清溫丕昭仁孝聽邇英之勸誦適紹
文明方嗣服於萬年胡委裘於一旦烏號罔極龍御
何追恭惟皇帝陛下聖德升聞孝思永慕重華協帝
方暹密於八音冢宰總官將諒陰於三祀願少紓於

聖抱以弘濟於皇圖臣逖領戎昭哀傳國疾阻申奔

問惟重摧傷云云

慰太皇太后表

嚴宸居正痛晏駕之奄聞慈極宅尊悵早朝之遽隔
哀傳海宇悲結簾帷恭惟壽和聖福太皇太后陛下
德厚承天恩深與子夙行恭儉聖方頌於思齊晚享
怡愉慈忍聞於顧命諒聖情之結戀隆興志之攀號
願抑慈懷永謀孫翼

慰皇太后表

變輿梧野九土烏號悲結椒塗六宮縞哭宅憂罔極
降割何深臣恭惟皇太后陛下志紹徽音躬行美化

冬溫新霽百舉卷於東朝海潤星暉演慶源於中壺
驟撫鬲湖之戚奚堪輿極之哀願抑慈懷聿扶新政
云云

百日慰皇帝表

烏號浸遠九土同悲駒隙易流十旬而隔撫時哀歎
易月徬徨恭惟皇帝陛下曆數有歸羨墻如對雖擗
踊哭泣曷勝父子之情而朝覲詠歌當慰臣民之望
願節宅憂之制益成繼志之圖巨承之偏城阻趨嚴
陛云云

慰太皇太后表

流光何速哀思欲摧恭惟壽和聖福太皇太后陛下
宮壺宅尊簾帷託重雖道揚王命不勝慈極之懷然
燕翼孫謀當念皇圖之本願體臣民之戴少寬朝夕
之思云云

慰皇太后表

雲升梧野頓隔千秋日短莫階駕言十浹委裘禍迫
捐袂哀深恭惟皇太后陛下教盡人倫慶隆母道雖
易月以日難窮伉儷之悲然薦子於天正重攜持之
託願俯從於中制用式副於羣情云云

期年慰皇帝表

追玉几之遺言制嚴易月服練冠於初祭哀重感時
霜露深悲乾坤罔極恭惟皇帝陛下孝治天下統承
先王雖見堯於墻克篤終身之慕然續禹之服所期
天器之安願從禮制之宣少副輿情之望臣屬縻藩
屏阻造闕庭云云

慰太皇太后表

訓子命汝易月有嚴練而慨然周皇柯短哀承遺制
痛結慈衷恭惟壽和聖福太皇太后陛下德紹宣仁
功侔明肅天經地義扶嫡統於方新日邁月征悵宸

加之逾遠願勉從於衆志姑少抑於至情云云
望淵未慰皇太后表

悲捐玉玦痛極呼天祭服練冠制嚴易月乘雲浸遠
濡露何堪恭惟皇太后陛下德佐先猷慶鍾神胄雖
徬徨虞泐望欲斷於蒼梧然婉孌周姜任方隆於京
室願少寬於哀抱用丕贊於鴻圖云云

再期慰皇帝表

龍湖未遠可傷易月之喪駒隙幾何已舉再期之制
羨墻如在霜露孔哀恭惟皇帝陛下道盡人倫位隆
世嫡雖終身慕父難窮至性之悲然億載怡親方疊

慈顏之眷願重承休之託少寬追遠之懷臣隃綴藩
宣阻班軒陛云云

慰太皇太后表

終天巨釁降割一朝易月通喪寓言再歲仙遊未遠
慈抱難居恭惟壽和聖福太皇太后陛下功在先朝
志勤內治雖變生憑几悵闕問於雞鳴然寄重垂簾
方稽謀於燕翼願抑無疆之恤益昌有大之休

慰皇太后表

望斷乘雲悵龍馱之浸邈制嚴易月恍鳳曆之再周
凡屬幃封式同追慕恭惟皇太后陛下承天功大與

隆豐芑之休願少抑於哀情用永綏於神器

禫祭慰皇帝表

龍御何之方切綴衣之痛駒陰未遠已驚釋禫之期
易月從宜感時增疚恭惟皇帝陛下恭默思道愛敬
事親天作之君嘗周艱而卽命日致其孝將舜慕以
終身願寬追遠之至情丕慰芥生之顛望臣濫承郡

綏阻綴朝班云云

慰太皇太后表

袞衣萬歲痛隔終天禫服一朝權從易月感時憂戀

率土盡傷恭惟壽和聖福太皇太后陛下德著寶禱
功藏金匱撫鬲湖之龍去子保何追懷豐水之燕胎
孫將有衍願副普天之望式紆慈極之悲云云

慰皇太后表

宮車輟駕沒遠翠華國典行權恍終素蹕託言釋禫
明忍免喪恭惟皇太后陛下夙著脫簪驟羅捐玦雖
梧雲不返永爲禱翟之傷然芑水方來共候簾帷之
助願釋居諸之感俯從遐邇之情云云

賀皇帝聽政表

思皇烈考誕受寶龜於穆嗣王甫頌治象慈簾保祐

翼室稱元子以宅宗出自應門會諸侯而作誥欽奉
怡愉之訓爰親兢業之幾既兩宮垂拱以無爲宜四
舞謳歌而來覲臣屬縻郡國喻戀闕庭御延和殿之
正章光祖烈奉紫雲樓之盟誓第守藩條

賀太皇太后同聽政表

綏壽而右文母高拱慈宸肖德而有神孫其臨幾政
徽音洋溢光訓昭宣恭惟壽和聖福太皇太后陛下
功邁塗山德高媯汭施于帝社已深慶錫之源保我
後生益衍壽寧之福章憲垂簾於天聖宣仁稱制於延

和紹昔大猷爲今懿範臣屬縻守綏欣聽俞綸太易太
始太初莫測無爲之化四門四聰四目共觀有道之朝
天瑞節本州賀皇帝表

龍德御天重華于帝虹書流渚長發其祥萬姓騷呼
三辰擁佑恭惟皇帝陛下聖德克肖天性自成光北
斗之樞篤生黃帝美南山之壽誕命文王節屆千秋
時維九月臣縻身候度拜手王休三千臣同心永言
華壽五百年生聖敬贊河清

賀太皇太后表

聖王垂拱萬年方開燕翼太皇怡愉億載親見江表

身基美化德著慈元正位而定家人功高配祖介福
而來王母慶積貽孫律協素商節書金籙臣濫膺藩
屏阻賀簾帷假樂命之慶春秋之鼎盛思齊聖也同
日月之離明

賀皇太后表

龍德方升祥書載震熙祿有慶福萃重坤旗翼光華
幅員熙洽恭惟皇太后陛下道侔博厚德備仁明虞
淵來嬪女子舜帝周京作配生此武王方觀日上於
扶桑隨紀虹流於華渚臣濫叨一障隄企千班大域

中王既祝華封之壽爲天下母願齊西極之年

天瑞節鈐司賀皇帝表

謳歌與子方開捧日之祥福祿宐王初紀流虹之慶
光生宗社歡溢堪輿恭惟皇帝陛下天德生知軋元
首出載震載夙膺天地之珍符繼聖繼明正春秋之
嫡統當瑤光之瑞節際金顛之昌辰臣分虎有嚴抄
鰲欲舞呼玉卮之萬歲隄贊王休進金鑑之千秋嗣殫
臣職

賀太皇太后表

萬壽齊天思齊以聖千秋紀日長祭其祥廣字休揚

爲今姒任有典有則之貽輔于皇祖立政立事之準
訓乃文孫當月屆於素商喜節書於華渚臣猥塵戎
轄阻賁宸闕請祝聖人旣效堯封之職亦右文母載
廢周頌之章

賀皇太后表

辛歲重光昔符嘉日乾元首出今紀流虹歡溢華封
慶歸長信恭惟皇太后陛下徽音大雅美化二南德
配重華觀嬪于泃祥開長祭立子生商扶賜谷之初
升紀高禰之載誕臣領鈐偏郡銜表明廷五百歲河

清既觀聖人之出三千年桃實願同王母之尊

重華大行皇帝謚號本州慰皇帝表

共觀谷之

祀以配天致聖人之達孝廟可觀德彰烈考之隆名
典冊千年宗祧九叩恭以端文明武景孝皇帝光宅
天下簡在帝心敷直義方煥經天而縉地專名物應
昭脩政以攘夷大德大功立親立愛自生民而未有
熙鴻號於無窮恭惟皇帝陛下離象重光乾龍首出
聖盡倫王盡制始于家邦宗有德祖有功行其典禮
式崇徽馨昭對皇靈臣叨領虎符欽傳駿命告神明

頌盛德已觀國典之光薦郊廟揚洪休尚述侯那之

慰太皇太后表

居長樂之宮興懷鶴駕瞻顧成之廟肇錫鴻名大冊
垂榮慈衷悼往恭惟壽和聖福太皇太后陛下以天
下登與元氣游明肅臨朝親立仁皇之策宣仁在御
永懷神考之思不對皇靈昭升熙號臣屬縻候紱阻
慰震簾云云

慰皇太后表

九疑陟遠莫返皇靈七廟升宗聿彰世德洪名有赫
哀抱彌深恭惟皇太后陛下位正家人道隆坤母躬

葛覃之節儉厥配有光秉清廟之肅雍于嬪增感於
惟大冊肆對皇穹臣跡繫分符神馳望闕云云

大行皇帝謚號鈐司慰皇帝表

翼乃宅宗考先王之制禮觚壇告帝爲烈考以易名
大冊適彰皇靈昭假其以端文明武景孝皇帝體元
居正持盈守成端獨化之原文經天地明萬幾之理
武定邦家景行有容孝思無極上可以配祖宗之德
下可以垂子孫之休恭惟皇帝陛下彌我不丕基鑒于
成憲寧王克綏受命篤恭悅辭嚴父莫大配天蒼揚
光訓奉徽稱於宗祀昭躋典於明時臣通領戎昭

贊肅雍之相

慰太皇后表

盛德之祀百世肇建嘉名太皇之壽萬年興懷緝典
慈宸惻楚穹覆鑒觀恭惟壽和聖福太皇太后陛下
懿範兩朝仁恩四海爲元氣母克篤貽孫育天下君
必副祔禰哀時大號對越皇靈臣身貳戎鈐心懷國
典云云

慰皇太后表

大德得名尊歸昭考嗣王謀廟上奉徽音宗禰休揚

宮闈愴極恭惟皇太后陛下儉昭練服中協黃裳嗣
任德之肅雍思齊以聖名堯功之巍蕩渙有其章聿
深羽翟之懷於赫觚壇之告臣猥兼戎轄陪贊邦葵
云云

冬至節本州慰皇帝表

一陽來復感駒隙之易流三祀諒陰悵烏號之浸窺
愴深履鞅悲著羨墻恭惟皇帝陛下清明在躬恭默
思道水有源木有本方嚴祭祖之時霜旣降露旣濡
不替思親之念少抑居諸之慟仰膺付託之隆臣逃

守遐邦阻班嚴陛誦先王省方之戒願謹起居秉耒

慰太皇太后表

暖律吹嗟感一陽之初復慈簾擁佑訓三祀之通喪
痛在宮闈情均海宇恭惟壽和聖福太皇太后陛下
徽音慈福懿範宣仁履鞅迎長天休方至冕旒問寢
子保奚追願少抑於慈懷以永綏於孫冀臣屬糜僕
服隲企御闈云云

慰皇太后表

復陽在地氣應黃鐘坤德承天悲深素蹕六宮增孤
萬宇永懷恭惟皇太后陛下長信宅尊思齊繼美手

扶宮日坐占千歲之長目斷臺雲尚想九疑之遠願
紆哀於儷極以永翼於皇圖臣逖守江城隄瞻禁闕
云云

啓殯慰皇帝表

三年諒陰不言悲深翼室七月同軌畢至告啓敢塗
遠日戒嚴終天增慕恭惟皇帝陛下外勤講廟內奉
臨朝制爰舉於因山龍輶將駕情永懷於陟岵鳳纒
奚追願寬劍舄之思益重基圖之託臣屬糜斗壘阻
慰宸庭云云

慰太皇太后表

居長樂之漢宮永懷鶴駕卜會稽之禹穴垂戒龍輶
悲結慈闈痛均薄海恭惟壽和聖福太皇太后陛下
憂勤德備擁佑功高百世可知首正貽孫之則七月
而塋豈勝思子之懷願東望以節哀重外朝之同御
臣身縻乘障跡阻趨班云云

慰皇太后表

龍湖言遠椒掖永懷鳳妻戒嚴故塗載闢六宮雨泣
萬宇雷哀恭惟皇太后陛下儷極勲高正家化洽撫
軒皇之劍寫耐黃僑山奉舜帝之衣裳思藏梧野尚
軫乾坤之記願紆朝夕之思臣身繫分符神馳攀緋

云云
神皇文
發引慰皇帝表

鸞車既駕陟蛄哀深龍匣畢塗崇丘制舉新宮永闕
冀室增傷恭惟皇帝陛下思道諒闇送終哀戚居喪
讀塋禮不愆復土之期因山不起墳尤切望陵之感
冀少寬於孺慕以丕重於宗祧臣糜跡侯藩傾心宸

陛云云

慰太皇太后表

日淪西極悵鶴駕之長遊天拱東朝痛龍湖之永闕
重闈悲繫九土慕思恭惟太皇太后陛下福備怡愉

千秋望子願抑思齊之感益昌小疵之謀臣叨領偏
城阻趨慈陛下云云

慰皇太后表

國謹重喪龍棺就殯禮襄大事鸞掖興懷海宇同哀
山陵告備恭惟皇太后陛下憂勤孔夙哀感謹終媿
泐居諸悵虞琴之已遠會稽咫尺望禹穴以奚追願
紆旣塋之悲式相維新之治臣承流有守伸慰無從

云云

祔廟慰皇帝表

先帝之塋衣冠載虞神祐嗣王之奉宗廟丕祔皇靈
昭穆用休典章備舉恭惟皇帝陛下以舜大孝居商
諒陰如慕如疑旣畢因山之禮以享以祀聿嚴升禩
之恭勉承翼翼之容深抑煢煢之感臣屬縻牧訓阻
奉駿奔云云

嗣王宅恤奉先祐以升宗聖母思齊感皇靈而悼往
禮容有赫祀事孔明恭惟壽和聖福太皇太后陛下
壽考維祺儉慈爲寶祐我烈祖有典則以貽子孫保
予冲人脩宗廟以序昭穆祔旣行於永紹哀少釋於

慈元臣叨綴藩宜阻班奔走云云

慰皇太后表

地隔丹州異舉九虞之祭天臨清廟昭升七世之宗
屨主思皇椒闈若惕恭惟皇太后陛下性鍾慈儉德
備憂勤嬪虞帝以日欽陟方浸邈對文王之於穆率
祀惟恭願紓坤極之思益衍乾符之慶臣屬縻民牧
莫效候朝云云

正旦慰皇帝表

王正書月景命維新靈德在天孝思罔極運開曆數
哀動几筵恭惟皇帝陛下思孝奉先與時更始王受

同瑁祭不替於元辰帝見羨墻禮益嚴於上日願邛
居諸之感丕承擁佑之恩臣屬守偏城阻遯嚴陞云
云

慰太皇太后表

正月始和律更太簇昊天不弔痛在思齊曆數維新
宮闈孔惻恭惟壽和聖福太皇太后陛下爲元氣母
與太極游孟春而戒道人撫時其邁上日而受文祖
擁治方新願寬丕子之思益重神孫之託臣屬縻宣
化阻慰履端云云

慰皇太后表

義日更新油開泰象虞雲漫遠悲在朝元駢隨易游
烏號何及恭惟皇太后陛下光輔先帝敬授人時元
會衣冠尚想熙明之政月游劍鳥忍聞永紹之名願
寔悼往之哀悰益撫履端之昌運臣屬縻一障阻慰
三朝云云

改元賀皇帝表

壽味豐祿外皇太司對不

春王會於三朝慶開景運皇天佑于一德治紀初元
正朔肇新乾坤有造恭惟皇帝陛下春秋正始曆數
在躬仰則定陵開三禘之不祚近稽哲祖基七葉之
昌期頒鳳曆以改絃衍鴻圖而卜陽臣親逢更化適

綴承流揚偉績鋪閱休恪共侯度撫太平應昌曆謹
授人時

賀太皇太后表

天王一統爲元載頒正朔太皇萬年齊壽同御邦家
日月重明乾坤更始恭惟壽和聖福太皇太后陛下
道符烈祖功擁神孫乾德太平訓實承於昭憲元祐
盛際政共聽於宣仁海開更瑟之休實繫垂簾之盛
臣叨承侯服丕奉慈宸基正始之風已新美化播思
齊之頌永載徽音

賀皇太后表

春秋以一爲元曆開昌運開聯之化正始本在
正朔更新國家胥慶恭惟皇太后陛下有娥長祭太
妣思齊齊壽以奉太皇德惟子肖受福而于王母祐
自天申宣渙號以繫年示同文而更始臣猥乘一障
丕戴三宮當昌曆應休期已供候服緩眉壽介繁祉
益贊母徽

曆日謝皇帝表

乘龍御以紀年一元正始詔虎城而頒朔千里承休
敬授人時對揚王命恭惟皇帝陛下明哲作則曆數
在躬欽若昊天熙春夏秋冬之續建用皇極協兩暘

寒燠之疇乃誕布於成書以昭垂於新治臣蕃宣有
恪播告惟恭錫厥庶民順中星而平秩佑于一德歌
化日之舒長

謝太皇太后表

歲正孟陬一元改紀朝臨長樂萬國頌正春朔會同
神人和洽恭惟壽和聖福太皇太后陛下怡愉萬歲
擁佑一人肖德而有神孫光膺昌歷受福而于王母
丕輯蕃禧載頒協律之書式重垂簾之政臣欽承鳳
紀誕布侯藩聽嶰竹之歌諛敷和氣獻蟠桃之頌益

謝皇太后表

鳳曆頒春東朝介福虎城告朔北面承休歲定四時
天佑一德恭惟皇太后陛下思齊肅穆少廣怡愉訓
示塗山曆開禹子教行涇渙紀協周王春朔攸同乾
坤交泰臣承流下障奉令孟陬協和萬邦第贊定時
之績嚮用五福益陳日壽之休

疏

壽崇節本州進功德疏

九龍吐水當摩耶產佛之辰萬歲呼嵩上大母延年
之請敬憑二氏仰贊千齡壽和聖福皇太后陛下恭

願大安大樂至愉至佚慶雲五色現南極之祥光壽
域八荒衍西池之長筭

鈐司進功德疏

三寶日慈南極衍太皇之福五兵不試西江陶聖化
之風仗仙釋之殊因贊宮闈之丕慶壽和聖福皇太
后陛下恭願位隆少廣筭等崑丘仰大慈尊誕節正
同於盛旦得無量壽長生永協於先天

乾會節本州進功德疏

聖瑞虹流開半千之休運官聯虎拜瞻尺五之清光
鸞玉翠之祥氛哀緇黃之妙果皇帝陛下恭願駿聲

克廣龍德方中地以天長壽命衍洪源之慶河清海晏皇圖鞏磐石之安

鈐司進功德疏

天臨寶位夙開繞電之符地領玉鈐載馨呼嵩之祝謹率兵戈之屬虔修道梵之緣皇帝陛下恭願玉燭四時金湯禹里元龜大貝梯航來川岳之珍歸馬旅牛旗蓋壯東南之運

天瑞節本州進功德疏

飛龍在天大橫有兆流虹貫月景命維新演道梵之真銓崇聖明之瑞節皇帝陛下恭願維天其右如日

之升五百歲而生已開其曆億萬年其永益鞏皇圖

鈐司進功德疏

爲天下君前書帝武祝聖人壽歡動戎昭闡二氏之
與科崇千秋之誕節皇帝陛下恭願泰元有相長繁
申休在辛歲日重光方升如日以乾元正五位多歷
斯年

大行皇帝升遐本州進功德疏

帝棄羣臣忍傳末命教宗二氏恭薦殊因慨極烏號
戀深蟻慕大行皇帝伏願游神極樂觀化大虛十四
聖之在天皇靈陟降億萬年之與子丕祚綿洪

鈔司進功德疏

出宮駕晚縞素興哀望闕臺孤緇黃嚴薦恭哀冥福
適相宸游大行皇帝伏願性悟真如道超無極成慶
而垂萬世聿齊九廟之靈後天而彫三光長作百神
之主
皇帝聖躬違和保環諸廟疏
天子萬壽詎期無妄之灾巨人一心其奚有神之神
惟帝齡之悠久實神貺之扶持名山大川尚鑒殞蘩
之意普天率土不勝葵藿之私

本州宮寺保安疏

皇極九五福合率土以傾心帝壽千萬年
願昊天而請命皇帝陛下伏願寅畏享國
清明在躬王受命無疆惟休誕迎和氣
天行健自強不息丕享脩齡

定平書 鈐司宮寺保安僧疏

惟聖宅尊共祝一人之慶以臣請命敬啟
三寶之慈皇帝陛下伏願歷數在躬神明
其德九五福曰壽不享康寧億萬載齊天
式臻永久

道疏

率土傾心均願聖人之壽
籲天請命肅殫臣子之忱

同前

道揚未命忍聞晏駕之音瞻仰昊天上帝上訴遺弓之慟
修崇冥果攀慕遐征大行皇帝伏願返于混元光我
烈祖洋洋而在上俯察臣民剡剡以揚靈永綏宗社

僧疏

捧九天之遺誥帝馭何追皈三寶之真乘臣心欲割

同前

鈐司成服道疏

昊穹降割悵宸馭之上賓率土興悲望帝庭而哀籲
虔資冥福適相仙遊大行皇帝伏願靈德昭_○皇明

陟降衣冠雖貌會烈祖以在天宗廟如存朝百神而
爲主

僧疏二則

昊穹降割勸玉仗之上賓率土興哀望金仙而仰觀
屢資冥福適相仙遊同前

本州成服蒲散疏

制巖易月痛君父之通喪望極乘雲薦人天之勝果
露香跼躅釋經悲傷大行皇帝伏願堯性常存舜明
不隔成慶而垂萬世聿齊九廟之靈後天而彫三光
長作百神之主

捧易月之制書萬邦哀痛修升遐之冥果三寶證明
喪紀有嚴孝思罔極大行皇帝伏願羨壻不遠劍舄
如生帝鄉而乘白雲真游冲漠孫謀之汪豐水遺澤
深長

大行皇帝本州追嚴道場疏

維新陟王。悵皇靈之日遠。演大乘法。資勝果於天游。
悼痛深。深薦言有俶。大行皇帝伏願。性超清淨。德邁
圓通。生爲帝。沒爲神。豐功不泯。高配天厚。配地名德。
無疆。

鈐司追嚴道場疏

皇靈冲舉莫追汗湯之遊淨業真如式薦逍遙之果
終天哀痛率土慕思大行皇帝伏願陟降大虛超升
無極嚴橋山之劍鳥法法嚴大聖其寶相果公天

大行皇帝本朕親親親親親

列是

廬陵宋丞相信國公文忠烈先生全集卷之二終

廬陵宋丞相信國公文忠烈先生全集卷之三

泮

淳

十九世孫攀舟男

邑庠

生光

斗裕

孫克漢編

香野墨不十款而止

濟

啓

上權郡陳通判高謝解

是邦大夫賢者聿新道藝之賓興吾黨小子斐然得
遇功名之主宰僧彌出法護之右越石居楚金之先

人羨二難已叢百媿竊惟奎開我宋箕壽斯文堯叟
以壯歲拏魁堯咨爲之接武子由以弱冠登第子瞻
至於聯芳孫何齊孫僅之名宋祈遜宋郊之榜韓家
闕閱吳氏簪纓皆一時兄弟之傑然乃我朝科目之
盛者甲於江右未若廬陵名耀帖金以一門而五董
筆香氈墨不十歲而七劉或踵接於童科或肩摩於
胄監輝煌簡冊雜遝衣冠至今文水仁山猶想流風
遺俗雖巫步亦期似禹然賜賢何敢望同如某者技
等飛馬才長縮蚓故家喬木借秣歸舊峽之陰宦錄
雲萍分曰鷺餘波之潤勸皇祐榜帖夙寒石室青氈

今日之箕裘有嚴君焉唾棄萬年之誚味難爲弟者
誓齊兩到之英聲故唯諾怡愉之間皆切磋琢磨之
馳晨憲花露滴乾視眼之觴夜帳木油剔盡按頭之
盛以孝弟忠信爲實地以功名富貴爲飄風非六六
餘子之儔有飄飄凌雲之氣自染指時文之興卽梯
身季考之階愈出愈竒頗類黃絹外孫之壘曰屢選
屢中幾成翰林學士之葫蘆遂令伯氏吹填仲氏吹
箎過辱庖人繼肉廩人繼粟方嗟雌伏未遂雄飛適
糲粟之採黃借棣華而拈采擲番骰子同拏喝六之

籌鸞起弓弦其上中紅之塚天開雙眼地放一頭渴
睡漢平白解嘲抑揄鬼分明束首二旬賜第皆以沈
內翰相期十八奏名僉謂劉學士可繼使小子自此
升矣皆先生進而教之茲蓋恭遇某官秀孕天台英
華帝學萬乘器可燦唐柱五色線要補舜裳器古壘
於益益之中韻黃鍾於雜優之地一從分刺名雖沂
郛之玉祥兩屨護麾實則潁川之黃霸斯民廣廈吾
道泰山螺川醉多肯之春風燕寢樂近民之暇日政
安赤子解弄挺之亂繩兵撫清人戢攘斂之橫彘雖
借我二天之香泥松尹京五日以舞還茲以題輿委

霜雪以踐誠候屏星而布謝誓當鞭策不負掄揚諒
大賢初所不容如孺子尚或可教晉公得二俊才士
不無汗赭於前脩古靈薦三十餘人尚龔牙緋於後
進

上倉守李愛梅謝解

執鞭而御於君風裁久欽司轍推轂而輦其正天人
幸遇翰琳欲借方寸地吐氣而言敢操盈尺紙分庸
而進切謂烏河陽方司鑿鑿石生隨就禮羅至豫章
未下使車荀爽已騰辟剡蓋人非卜和玉闕石竅而

世無伯樂駒因鹽車必假先容乃梯後進切念其策
非曾客材僅蒔林自垂髫逮二十年知肄業爲第一
事家庭自爲庠序要祖廬江興學之風文字懶傍門
墻惟準石室立言之法遙睇故家之木勉爲良冶之
弓子玉應而父金春伯塤唱而仲箎和夜案剪燈帳
幾戒墨凍窻呵筆火不思爐每因染教於芹香屢獲
聯輝於萼集角能戰蟻占序榜龜朋社陽綸過許洛
中之陸鄉評月旦謂非吳下之蒙曩踏黃蘗鄣窺班
管合三萬餘於闡棘爭六十八之帖花如小字者車
載斗量况有司之沙披石汰誰謂燭几駒窻之際遠

鴈翅搏濛園九萬之鵬必侍郎擅筆噓而送之則進
士虎榜自此升矣茲葢恭遇某官百梅風格八桂雲
仍羅貽門兵甲於胞中激淮水淵源於笔下風樞陣
馬不足爲勇長吉之文章景星鳳凰快觀爭先王濬
之名望早躋顯第徧歷要途嘗膺北闕之詔綸出領
西江之衣綉兒童猶誦君實野老皆識元城惟虎城
舊治嘗屈典麾故螺水重來又新持節蘇坡民於恩
露清奸吏於壺水坐念鉛爲銛跡爲廉安有書如經
官如眊爍連檣粧執樂舊句重賡繒閱庫粟埋梁新

謹繼作茲屈皇華之使就延鳴鹿之賓某忝以筮箕
玷茲玉笋敢不淬庖人之刃誓無荒陸氏之庄云云

賀吳丞相革

再登鉉路首冠鈞庭以進士爲名臣兩朝倚重以儒
宗爲宰相四海具瞻天啓聖衷國有生氣某官淇深
而肅括光大而直方喬嶽泰山微細悉歸於涵育青
天白日奴隸皆知其清明頃天子以爲股肱舉海內
望其風采霖雨未浹而收歛神功泰階未平而謠闕
光耀其惜溫公之歸洛猶期潞國之還朝偃述藩維
久鬱袞綉均調鼎味歸公之望復端隨柳用汝之司

公卿大夫交筭相慶兒童走卒舉手懽呼顧中外不
謀同辭在今古未始多見斯人之望旣切賢者之責
方新維今言路之不通最爲天下之大弊縉紳以關
口爲諱事城關以游談爲危機如人一家情睽離而
象侮起如人口體氣壅塞而百病生矣故之由一類
諸此枰更子改柁轉舟移惟從衆謀可以合天心惟
廣忠益可以布公道盡解羣疑衆難之會克有榮名
成功之休其惟我公望在今日某瞻依有素慕戀惟
深適造闕以戒嚴聞擗庭而增抃以書上光範先伸
賀慶之私於人見歐陽行展摠衣之敬其爲懇切罔

既彰宣

謝吳丞相

渙號揚庭方慶昭文之命蒙恩詣闕適修進士之恭
喜當風雲際會之秋得囿天日照臨之下輒陳短淺
爰即高明伏念某才不逾人學未聞道雖家庭唯諾
之教動欲行其本心然山林朴野之資知無補於賞
世頃得備地官之貢遂及登天子之庭一第策名既
有慚於負乘三年讀禮幾無意於驅馳宸命光華自
天而下聖恩廣大如海斯涵遂令叅京兆之謀仍許
奉團司之表靖循僥昌端山庇存載冊戒行將下天

威之拜彈冠稱慶遠傳公褒之歸重惟柳氏之碑曾
辱燕公之筆讀聖主偏親之語佩教方新仰先生長
者之風銘恩莫報矧編更新於弦轍自今密邇於鈞
陶喜如其辭有莫能贊茲益恭遇某官兩朝舊德一
代偉人金陽調元曾接泝公之轍玉龍擎重再持忠
憲之鈞屬逢當軸之初與有得輿之慶某敢不勉摯
素學圖報明時仰台宿之麗天旣近輝光之照占赤
雲而赴慕尚公覆燾之仁

先生之父葦齋先生墓誌銘乃江古心撰履齋題

葢道體堂書

益直謝丞相

除秘書省
正字日

竊祿叢祠方重素餐之媿備員蓬館遽叨黃紙之除
由大鈞之無垠故小子之有造輒撫短淺庸瀆高深
伏念某大江以西一介之末幼蒙家庭之訓每欲行
其本心長讀聖賢之書初何補於當世從事一研起
身諸生偶進際於聖明獲僥逾於科第君恩天大若
爲報稱之圖流俗波頹常有激昂之志當前年之赴
闕適強寇之臨江親見主憂之時不勝臣辱之義陳
師江澚悵無一障以宣勞奏疏公車倘冀九重之易
聽奔命而歸田里舉目而盡干戈江迥川平非願整

全於山林頂踵皆歸於造化琳宮香火揆始分而已
逾石室詩書尋初心而未究敢圖菲采獲備茹連使
當登崇俊良之時而秉校讎圖籍之筆賢人在內幸
無正朋黨之譏世運方平雅有讀秘書之暇顧茲甚
寵非新靈蒙有懷負乘之慚無任循牆之懼使之得
進退之正所以報知遇之隆茲益恭遇某官勲在王
家澤被天下圭瓚相繼侈召伯之來宣袞衣綉裳大
周公之歸相既仗咎箠而虛大難將興禮樂而開太
乎遂使乾清坤夷之儉輒爲小往大來之會至如公

選赤及凡材某敢不勉企前修恪持素節彥博未至
堂上已先蒙許國之知器之既入館中當不辱溫公
之薦其爲懇綢罔旣敷陳

謝皮樞密龍榮

領香火於祠宮幸書下考校丹鉛於冊府誤玷中除
由泰階六符之光爲廣厦萬間之地輒裁曠記仰謝
鈞慈切以登羣玉山夙號麒麟之勝持三寸筆將刊
魚豕之訛是爲朝露之清班必極人材之公選我聞
在昔公惟其人晏殊之學問楊億之文章仲淹之聲
名器之之氣節苟非其類不在此科伏念某學不知

方仕未能信尋千年之蠹簡早慕伊顏得一第之難
梁終慚晁董深考國家之典每由館閣之途知負乘
之懷慚恐顛隳之速咎故方筮仕已卽丐祠尚口乃
窮頗愛山深而林密觀願自養徒羞月費以歲糜敢
圖楓陛之疏恩俾處蘭臺而正字政恐不免耳其何
以堪之靖循僥昌之由端由陶成之辱茲蓋伏遇某
官清朝良弼各世大才燮贊化原大尊主庇民之道
均調皇極普薦賢報國之心遂使疏庸與叨拔擢某
敢不恪持素節勉企前修讀木天汗漫之書尚求指
教陪丹池深巖之幪何幸身親懇悃架深敷宣罔旣

謝何樞密夢然

范質傳衣曾俊和公之遇仲淹入館復蒙元獻之知
使諸公而與同升豈門生而不知報輒伸下悃庸那
甲樞伏念某石室孤寒青原落魄幼被家庭之訓頗
欲得其本心長讀聖賢之書初無補於當世從事一
研起身諸生偶持觚翰於南宮獲遇鑑衡於北面鸞
鳳杞梓舉集權公之門款段駑駘誤登伯樂之廐名
姓雖塵於函丈足迹未造於仞墻山斗之望彌久而
彌穹畎畝之蹤愈疎而愈隔閉門自守知尚口之乃
窮逐芒無求性觀頤而自養几竊祿奉祠之日皆省

身念咎之時承明之廬著作之庭未嘗意想寂寞之
濱寬閑之野遽拜寵光胡爲乎來哉是有其故矣想
木天之清峻望母地以凌兢顧非麒麟鸞鷲之災其
如亥豕魯魚之謬深有慚於負乘敢自已於循璫茲
蓋恭遇某官名世鉅公清朝良弼持樞贊化其訥傳
聞之梅報國薦賢不種狄門之李遂令公選亦及荆
材某敢不勉企前修恪持素節就中書而見座右將
求一介之先容以進士而爲名臣尚賴終身之保任

謝江樞密萬里

頌扁宮之香火敢望彈冠掌冊苑之丹鉛誤蒙推轂

薦非由於識面事真可以語人頂踵銜私額手奏記
切以觀遠臣以所主孟子以言進退之閑遇大賢而
相知韓公以爲遭逢之盛蓋受恩非天下之所少而
知己得君子之爲難乃若初無左右之先容獨受門
牆之隆遇以古道之相與才力空乏之至榮伏念某才
不逾人學未聞道雖家庭疇昔之教動欲行其本心
然山林朴野之資知無補於當世執經而後承恩以
來念景行在四海之達尊而科第非終身之能事頗
欲自拔於常人之類庶幾無負於上帝之衷頃趨闕
下之時適際江干之警主憂臣辱念我生之不時外

阻內訖繫禍至之無日因撫躬而思奮遂投匭而獻
言當時破腦而剗心何啻焦頭而爛額有倉卒等死
之慮無毫髮近名之心六大息之陳豈曰賈生少年
之過三十字之獻幸寬郇模東市之誅逮時事之旣
平滋人言之無據小體者戚其失措好事者高其得
名痛痒無知者以文采爲賢操挾不正者以譁競爲
議匪躬之故俱莫諒於初心尚口乃窮嘆難行於真
道旣奉祠而竊祿顛閉門而讀書未可與俗人言姑
盡吾分內事不謂見知於長者遂勤延譽於諸公承
明之廬著作之庭未嘗夢想寂寞之濱寬閑之野遽

沐寵光非華袞有一字之褒何獎帚增千金之重雖
深慚於負乘然幸出於鈞陶永堅乃心欲報之德茲
蓋伏遇某官清朝碩輔昭代真儒胷中括石渠東觀
之藏海內仰天球河圖之瑞睠惟世道深屬我公整
頓乾坤共屹江流之柱獻納日月八旋斗極之樞非
徒耀不世之功名將有意太平之禮樂凡今小往大
來之會多出前推後輓之功遂使疎庸例叨拔擢某
敢不力持素節勉企前修稱彥博於都堂幸借郇公
之譽薦仲淹於館職敢忘元獻之知

大老造朝元台正席歸公有袞綉我來自東用汝作
監梅王置諸左三台明概八表清夷洪惟我朝相業
之隆莫如元祐家法之懿潞公平章軍國司馬實位
昭文正獻議論廟堂微仲嘗升左轄或以學術真純
而輔君德或以人物直諒而當帝心續遺響於先秦
兩漢之前文章鉅麗挺雄姿於黃河泰山之上器量
崇深此自古之難兼蓋於今而獨見恭惟某官行關
百聖各塞兩間於前輩人期之以伊尹傳說今從學
者尊之如韓愈孟軻尚論公之平生有報國之大節
以君子不用爲我耻以小人未退爲已憂童兒婦女

知其血忱縉紳大夫想其風采自其驅馳外服出入
中朝洛中偃仰之年江上經營之日以至養先皇之
大政參嗣聖之初元賢與不賢一言定其可否用或
弗用四海視以重輕卓然一時人望之宗展也三代
王佐之事屬登庸之伊始問夢卜以孰賢朕安得斯
人哉固無踰老臣者乃申帝指乃穆師言金甌覆崖
相之名銀信起鄴侯之覲朝士舉勞相賀都民遮道
聚觀天子引見以勞歸東朝出饌以錫宴遂由政路
徑秉國鈞先天下而憂斯能後天下而樂有聖人之
任將以行聖人之時莫難得者海內相望之深最罕

選者君子氣類之合方今師維尚父右舉臯陶贊襄
於都俞之間寅惕於和同之際鈞無垠而播物相天
地理陰陽鼎有足於承君安國家定社稷昔講於洙
泗者困道路之厄而學於河汾者抱禮樂之慚道之
行歟時則可矣俾我后五三之盛真吾儒千一之榮
某猥在山樓欣逢府州親見上下龍雲之會豈徒門
闌燕雀之私陽翟歸耕回首舊時之學士徂徠作頌
傾心今日之太平慶抃情深刊摩語淺

賀江丞相除湖南安撫大使判潭州

舊弼起家价藩建闕姬公相周而爲左方遂明農召

保分陝而守西又新維翰威行與夏運在東南恭惟
某官壽俊兩朝禮樂四代修名偉節以日月爲明泰
山爲高與學精言爲天地立心生民立命水火不爭
於鼎鼐泥金各就於陶鈞本之身心梟秋陽而濯江
漢措諸事業鷹戎狄而懲荆舒起觀一時之安危端
繫大人之出處當世道未寧之日正遼人相戒之時
乃斂一道之玉麟乃授三公之金鵲謂捍荆門吞夏
澗寄莫重於星沙豈挹浮丘拍洪崖閑可專於綠野
安石起東山而符泰瀆孔明渡瀘水而孟獲擒維茲
銀濤青壁之雄倚我錦艾朱紱之重功隱存於宗社

善不盡於旂常三軍百姓之歡迎大開玉帳一馬二
童之促召再築沙堤佐興唐虞誕保文武某及門甚
晚知已何深薦不識面官每嘆先生之古道自號報
恩子豈在衆人之下風鳳凰出而羽毛朝蛟龍驤而
雲氣簇一日偃潘之際會同時誤節之走趨方當聖
哲馳驚之秋無限師友從遊之感孝子回車忠臣叱
馭司空副相將交盡於君親太保上公惟深期於造
化潔蠲拜下傾倒由中

賀前人除特選

碩輔在藩優恩加秩懋淳熙左相之舊鎮赫奕十連

冠元豐特進之新術巍表一昂星馳汗號雷動驩音
恭惟某官者壽具瞻宗師先覺東問典故西問文學
錦堂丞相之規模公見庶僚府見監司涖國太師之
度量維時台宿來茨軫邦熊當道而豸子之膽寒龍
居淵而象罔之迹遠上思膺德時有恩言進左右僕
射之官增詩書元帥之專在師中吉承天寵也既都
錫命之榮以我公歸有衮衣兮卽轉征東之馭某猥
塵馳轡阻赴賀床載鄴滌之清指玉麟而爲壽邇斗
樞之紫綬傘鵲於方來

於右復得良臣九鼎尊安三靈開澤自馬服君之著
姓至伏波氏之封侯燧進侍中特起居於外府璘遷
僕射始借重於將壇惟賓王起自書生在貞觀號爲
真宰然以草茅之疎遠出於羈旅之遭逢未有親拔
魏科素居清望布衣之極以一編爲帝師都門之中
不十年至相位於皇盛舉夔掩前聞恭惟某官得聖
人之和抱王佐之學高出蓄泄有潤澤萬物之功太
極渾涵無運用四時之迹自顛鼻縉紳之日已雍容
廟堂之風告后惟良有謀猷則順于外敬王如我非

仁義不陳於前其出處不可瑕疵其喜怒未嘗形色
龍潛羽翼栽培不世之風雲鰲禁絲綸醞釀後來之
魚水先帝留之爲宰輔之備主上待之以師傅之尊
徑邁羣公徧登兩社或主東廳之典故或參西事之
經營鄴侯之跡大奇安石之名愈重兩宮明聖一老
辯章旣峻昭文之遷遂正集賢之拜朝家用元祐之
故事學館獻慶曆之頌詩儒者之遇僅有而絕無天
下之望方來而未已簡淡獨周於事物晦叔所以有
立於滌國司馬之間忠恕不離於須臾堯夫所以無
媿於正獻微仲之際前哲之風流未遠太平之機會

有開豈特輝簡冊於二百年之前
萬世之下某喜傳鴉字驚起牛衣知廊廟之有人爲
國家而增氣昔通政府無書或詭於門人今誦相麻
交賀敢遲於朝士其爲并蹈罔旣刊摩

通章簽書鑑

號枕山

茲者某審渙號明廷晉壽宥府風生黃道衛宸殿之
凝嚴星度紫清煥斗杓之赫奕真儒無敵中國有人
竊惟我朝之盛明最繫君子之翕合永叔之參兵柄
在魏國位平章之時堯夫之贊樞庭當潞公判重事
之日於以笙磬治平之政於以墳簞元祐之功若稽

前聞復見今日恭惟某官知周而道遠仁熟而義精
和風甘雨慶雲備四時之正氣高山深林鉅谷名一
代之魁人當屬者爲小官之初已淵乎有大臣之器
誰起諸國人之謗我衣而藉之我田而伍之公真大
丈夫所爲匪席可卷也匪石可轉也突兀南都之鐵
壁卷舒滕閣之朱簾在江湖在朝廷時人望其大用
爲臺諫爲侍從識者恨其已遲六飛之馬莊仲而不
馳萬斛之舟舒徐而後進厥今天助順而人助信大
在廷而細在邊江漢沔水朝宗載揚我武夙夜基命
宥密無競維人遂升兩社之班爰贊五兵之本宰相

計安宗社大師時游廟堂參之以運籌帷幄之神輔
之以折衝樽俎之密衣冠盛事具四方巖石之瞻衮
爲一堂有三公出是之勢適觀大業丕建隆平某盥
耳山樓傾心廷播親見天地雲龍之會非爲門闌燕
雀之私傳江西宗派之圖敢云入社誦徂徠聖德之
句請繼作歌拊蹈之深敷棗則淺酌風奇重爲之

謝章簽書鑑

綿田負耒投分一丘楚澤乘輶飯枕兩地公造化吹
噓之賜廣詳明欽恤之仁昉履南維輒箋西筦伏念
某遭逢雖早零落亦多一壑白雲對哺鳥而俯仰十

年流水忘夢鹿之去來不圖元日之會同猶記壯年
之奔走我牛我車我輦方墮影於湘波維駒維駱維
駟胡強顏於衡麓未許賦東方之粟乃趣涖南冠之
囚尊叱馭陽回車展轉於君親之際臬明刑契敷教
劑量於政化之間吏民甫接於咨詢風俗重爲之感
激龍蛇行而赤子瘁羔羊泯而素絲傷非扶內地之
本根曷壯重乎之保障曹劌之戰長勺或云察魯獄
之功孔明之駐臨蒸正在破荆賊之後恍聞風而興
起凜受命之艱難茲葢恭遇某官德業兩朝人物三
代頌慶曆之聖德政府經綸用淳熙之真儒中天補

指其敢不靈承清問惠迪嘉師奉使登車敢自詭范
滂之操爲親拜表尚由全平密之私激切未央敷榮
祗浚

先生前除湖南漕卽報罷復除本路憲道體堂謹
書

謝高尚書斯得

負耒耕綿方省愆於私室乘輶使楚忽拜命於公朝
助履朱維敬笈丹屏伏念某

同前

茲蓋恭遇某官拱

璧元圭泰山喬嶽邇英殿之勸講總是經綸古靈藁

之薦人不遺氣類遂令起廢復忝司平某敢不殫惠
嘉師靈承清問鞭辟虺隤之陳迹濯磨鞅掌之新功
自與心謀敢比范滂之攬轡未以罪去向容李密之
陳情歸倚方長敷蔡祗淺

謝陳尚書宜中

耕綿負耒方私室之省愆使楚乘輶忽公朝之錫命
旣履朱維而陳臬亟瞻紫橐以修辭伏念某學極支
離性惟骯髒宿昌黎之南斗自嘆我辰事元亮之西
疇每懷前路撫陳編而慨慷慨初服之流離題柱而

乘駟車不量已力叱馭而馳九坂徒負吐心山川尚

有方鬼神草木自全於霜露迹已陳於芻狗影屢落
於杯蛇一壑白雲十年流水當元會彰綸於日月乃
一朝移綉於波濤血指劓深貽羞巧匠折肱痛定莫
詭良醫請東方之粟以閔俞爲南冠之囚而趣載周

爰伊始汜濟奈何起觀今日之重湖正抵北風之一

面曹劌之戰長勺或云察魯獄之功孔明之駐臨蒸

正在破荆賊之後歛聞風而興起凜受命於艱難茲

葢恭遇某官大呂黃鍾元圭拱璧天章閣之論事行

展經綸古靈藁之薦賢不遺氣類遂令起廢復忝司

平某敢不激厲新知濯磨舊玷沐浴蓬萊之風露昭

蘇衡芷之江山皇帝清問
何擇非人願言奉教王事
靡監不遑將母儻遂陳情
歸倚意長敷宣喙短

謝陳正言堅

省愆私室方負耒以耕綿
拜命公朝忽乘輶而使楚
初咨詢而咨度終受察以
受容險跂捨遺敬箋王進
某名浮實淺意廣才疎早
歲飛騰真有終軍之銳中
年閱歷始知元亮之非頃
飲牛吉水之陽有秣馬湘
沂之旨此運使大體既無
士遜之良去監司不才聊
見希文之志進退用舍固
各有命栽培傾覆亦因其
材此真生我之孟孫安得
醜人之叔子歲年忽忽空

懷躍冶之羞風雨悠悠从斷問鈞之夢不謂一寒之
零落未爲諸老之棄捐取彼蒼葭調粗嘗於霜露憐
其舊綉使復出於波濤血指劓深見啞巧匠折肱痛
定敢詭良醫方祈偃息於支離俄責驅馳於跋蹙慨
念重湖之今日浸憐一面之北風孔明之駐臨蒸正
在破荆賊之後曹劇之戰長勺或云察魯獄之功凜
受任於艱難枕聞風而興却計之誠是遂躋登茲茲
蓋伏遇某官寒露清冰泰山北斗雖剛下土柔不茹
卓然論事之風然過者化存者神偉甚容人忘度遂
使山林之深密復叨原隰之光華某敢不祇若平反

對揚欽恤鞭辟虺隤之陳迹濯磨鞅掌之新功元龍
百尺樓知將展下床之圖王尊九折坂其敢忘叱馭
之規飯倚方長敷蔡祗淺山此卡其才土氣不蘇

謝陳侍郎存

而與景純公朝蚤登登

省愆私室方負耒以耕綿拜命公朝忽乘輅而使楚
初咨詢而咨度終受察以受容稽首席間通恣閣下
伏念其名浮實淺意廣才疎生平事可對人粗有聞
於凍冰仕太早不及學或見笑於乖崖捫心每念於
息肩回首不堪於鑄錯司馬橋乘駟豈應聞命以疾

驅管城子免冠正當爲法而受惡然而兩停漢傳雨

黜周行皆緣一日之瑕疵自取十年之坎坷悠悠白
日空懷幾瓦之思落落青山外斷問鈎之夢不謂元
日闢門之始猶在皇華遣使之中追天上之雲龍望
不到此詠人問之蕉鹿意若安之血指剝深見嗤巧
匠拆肱痛定敢詭良醫方祈偃息於支離俄責驅馳
於跛蹙懣念重湖之今日浸隣一面之北風孔明之
驅臨蒸正在破荆賊之後曹劌之戰長勺或云察魯
獄之功凜受命於艱難恍聞風而興起孰主張是遂
躋登茲茲蓋恭遇某官拱壁元圭泰山喬嶽邇英殿
之勸講總是經綸古靈藁之薦賢不遺氣類遂令起

命渙九旒光升雙履風清畫省準繩帝世之百工霜
擁仙臺刀尺周官之羣吏濡毫綠淨拜手紫微恭惟
某官吞吐龍湫卷舒鴈蕩清規映日耀西華之金晶
直氣摩空屹南都之鐵壁威鳳祥麟之出處慶雲瑞
日之文章一疏辨姦少日老泉之氣識十條論事平
生小范之精神自墮筮堂陞之交而黻藻帝皇之度
獨到古人之未到能言天下之難言爲御史爲諫官
張膽論事真舍人真侍講吐辭爲經儒榮方試於一
時柄用遄開於九軌乃需三命再命之渥徑通前行
後行之班細氈廣廈之席重龍泉文淵之劍工時方

艱大公竭論思余安道決邊議於朝廷真工部長蘇
子容戒功臣於疆場爲史銓師發揮黃旗紫蓋之精
靈盡掃枉矢攬槍之芒角前籌彪炳疊組蟬聯采石
江流更展中書之畧海潭沙漲遄符宰相之謠某羈
足馳原阻心賀屢文昌星度衣冠徒想於後塵岫嶠
雲飛草木願濡於今雨鋪陳喙短激躍心長

賀趙侍郎月山

大平州赴召

選表揚綸歸中持橐采石洲之明月光照海山通明
殿之紅雲影播河漢介圭覲只會弁驩如恭惟某官
玉粹金剛冰懸雪跨清廟生民之作膾炙諸公于將

莫邪之鋒指麾餘子自傍天而行斗牛之渚便接地
而起湖海之樓出入兵間月柝燈碁之耿耿驅馳江
上參旂井鉞之堂堂儒臣知兵從古所少天子謀帥
必在其中方建纛而前千軍遶帳而不動及還笏而
去二童隨馬而有餘悠悠四顧於山河落落一麾於
江海嘯吟水石酌謫仙捉月之魂上下風檣訪舍人
麾軍之迹慨然有神州陸沉之歎發而爲中流擊楫
之歌屬傳風景於峴山忽駭波濤於天塹長江爲備
不數處可共險於萬人朝廷養兵三十年當成功於
儒者乃疇庸於東掖乃趨貳於西曹太乙靈旗出陪

豹尾鈞陳玉檻進逼鰲頭青天白日鳳凰之聲名高山
深林龍虎之氣勢前行爲兵部小紓帷幄之謀大本
在中書丞正鈞樞之拜某濫巾劇部望履修門班
漢從於甘泉宮喜稱知己勒唐功於浯溪石已戒有
司

賀荆湖汪制帥立信

中禁出綸上流易鎮尚書天之北斗光動玉垣荆楚
國之西門勢雄鐵壁羶帷膽落旗蓋風生恭惟某官
意氣吳鈞胸襟彭蠡蒼龍捲四海之水拔地威風巨
鰲戴三神之山擎天砥柱表表二三豪傑恢恢數萬

甲兵起觀江漢之危極政急波濤之巨楫峴山落日
追思羊太傅之經營江左流風孰奮管夷吾之慷慨
乃易長沙之節乃高建禮之門北繞潁沔南卷沅湘
一新牙纛東達吳會西通巴蜀重整金湯然且許充
國以便宐授孔明以節制真儒無敵於天下此虜已
在吾目中箭青海弓天山橐鞬敵愾長河塊秦華
樽俎折衝陳六月北代之詩刻萬年中興之頌式歸
凡凡晉位巖巖某隄睇齋壇阻陳賀履星輝翼軫莫
隨東野之雲龍月滿關河尚策祁山之流馬裘旌搖

曳舌筆單疎

誤節讞湘馳驅上日摳衣過洛咫尺中台拜下有期
恭先告至恭惟某官黃河泰山之望咸池大濩之音
學問單傳安定公之蘊奧文章獨步歐陽子之聲名
空萬馬以無前領衆星而直上慷慨玉廬之給札聯
翩壁府之影纓一麾江海以翱翔載駕風雲而磅礴
翠帷麟觀螭陛鸞臺天子穆穆以親賢海內顛顛而
望賜方千仞翔而覽下乃六月息以圖南矧如聖哲
馳騫之秋正切廊廟論思之益胡不起金魚而垂帶
而乃新瑶象以爲車弭節愈窮履星采近賈生見宣

室亟紆半夜之思安石起東山大衍蒼生之福某相
望千里一間十年綠簑風雨之中菊餐有味舊綉波
濤之地蕉夢何心詎期漢節之來喚醒楚騷之讀
緣通德親切依仁瀟湘逢故人尚軫蓬蒿之舊霖雨
思賢佐佇看芝鳳之新傾耳一言拜手三肅

通楊提刑允恭

號高峯

誤節讞湘載驅上日摠衣過洛伊邇下風望履有期
摩戩告至欽惟某官漠南隄翻斗北修名玉尺米莖
洒落絕塵之韻瑤琴錦瑟和平瑞世之音自歛起而

霆轟每徐行而山立畏振夫陵之風月從橫周序之

袁鏡曰暖旂旗一麾王帳春明霄漢三道綉衣駟馬
靡憚於賢勞出入有關於民命方千仞翔而覽下乃
六月息以曷南矧今聖哲馳鷲之秋正切英雄經濟
之畧江濤如許泉石謂何召賈誼於長沙上心从渴
見夷吾於江左天下何憂某飲菊悠然夢蕉儻爾起
家乘傳念舊綉之波濤畏道回車想綠叢之風雨幸
近十洲之島冀沾九里之河滕壤舊廬曾識平反之
譜周原新轡願承鞭辟之方拜下非遙由中莫旣
通胡都承石壁

叨臬湖南余征上日摳衣洛下伊邇中台亟裁書而

叙心將考德而問業恭惟某官出入文武闔闡樞機
龍虎變化山林高深間出鬼傑冰雪聰明雷霆精銳
獨步艱難肯綮十九年而刃如新扶搖九萬里而風
斯下連麾江海春浮五袴之聲疊節東南星度六綵
之影自任以天下之重獨賢於王事之勞金署犀監
之翱翔奎殿紫樞之凌厲赫奕將磨於浯石逍遙遽
薄於蓬萊此聲梁楚之間英雄籍甚長江南北之限
人物耿然馳旌夜召於長沙乘驛曉行於湘水亟躋
兩地誠韓范之規模弘濟中天迥趙張之事業某味
方酣於啜菽夢不到於覆蕉換烟雨之綠篔方深

揚起波濤之舊綬是稱臺容緇像冀音之風喜近高
陽之里王尊九折坂願聞叱馭之規元龍百尺樓卽
展下床之拜登龍在望濡兔莫殫來茲賦韻草草

同楊秘監就賀

前對興禱文雜興

貳書壁府晉講金華太乙藜青煥玉山之黼黻邇英
槐翠照丹井之綸絲開岳雲回度墀春早恭惟某官
岷峨一壁關洛單傳玉井水輪灑落神仙之韻簫鍾
瑤簷和正典則之音自歛起而霆轟每徐行而山立
稱真侍講在淳夫正叔之間號小司成負安定康侯
之望雉監沐天光之近螭坳居地望之嚴蓋崑崙而

薄蓬萊枕湘江而會瀟水萬家燈火雨籠絃誦之聲
千里桑麻雲度袴襦之曉君不淮陽之薄上深渤海
之嘉圖書歸領於瀛州鐘鼓行尋於長樂銅邱水蒼
佩取紆宣室之思白馬金盤陀浸近文昌之拜某相
望千里一別六年綠篔風雨之中方茲餐菊舊綉波
濤之後復爾夢蕉喜追東海之龍來趣衡陽之鴈恍
絕塵而瞠後刦半夜之召前懷駟駱之載馳敢安絲
轡棄騏驥以先路遙想雲旗贊賀蔡蔡刊酌草草

賀倉守趙編修端齋

侯藩課最庾節陞華常平專歛散之功廉察展澄清

之志有諱交頌不諱同辭恭惟升官瓊泐清流玉玦
雅望早贊樞庭之畫遡躋府寺之崇結知前旒試膺
外服幸甚趙大夫之日來臨歐六一之鄉廟堂知其
爲循良田野誦其爲豈弟二天不啻兩年於茲雖明
公屢上丐閒之章而天子正深倚重之眷爰畀茶鹽
之任聿增麾節之光鮮于一道福星式快輿情之望
晉公三司真使行膺御札之除某仰席庇休倍深欣
抃大厦成而燕賀敢修奏記之恭六轡沃而駟駟實
切執鞭之戀其爲贊慶罔旣敷宣

回端州羅權府

遙瞻松雪从羨爨冰簾捲西山撫輿圖於錦水書移
東里醒午枕於桐鄉寵委新編輝生棄弁天高地迥
諒碧落之知心日光月華看紫薇之潤色謝私何限
嗣敬以陳

回吉州繆守送端午

端午賜衣漸傳璽召昌陽薦俎忽沭珍頒行人賁然
來思野老爲之驚見某官心清於水仁行如春岐麥
詠漁陽方騰善政角黍記荆楚尚念流風亦分百索
之餘遠及一廛之陋某倏驚晚良感慙剪綵艾
以爲嬉強酌佳節對燈花而作報多謝故人

回朱約山賀生日

鄉有達 獲在嫡孫之行我生初度誤蒙大老之知
庭實駢羅使華驚見恭惟某官世間活佛天上壽星
棄萬戶如張子房而壽考遠甚領諸孫似郭中令而
精神過之尚憐蒲柳之新姿分以松椿之餘福既受
賜矣細吟香山三十六之詩何以報之還祝崆峒千
二百之壽

餽朱約山歲禮

歲無多子驚爆竹之倏來盤有五辛喜屠蘇之未至
嗟時大者羣止繁禧喧櫪馬散林鴉遙傳歲頌卧籠

兎橫盤鯉耶見鄉風

回前人餽歲

一壑棲遲不覺歲年之晚五雲飛墜頓生草木之春
分四老之玉塵起初平之白石某官陽和着物壽極
當霄門有垂車換桃符之新句庭多戲綵沸竹爆之
驩聲猶推椒栢之芳馨散作茅茨之光寵某肅登嘉
貺祗佩盛心嘆巷北之柳榆吾癡未醒祝樽前之強
健翁醉何妨

回前人賀生日

富公七十九歲嗟九老之不如潘岳五十二年覺二

毛之已見方揆余之初度忽惠我以好音疇昔折輩
行之謙從今悅親戚之話永爲好也長歌白雪之章
還以事之願壽青山之約

回彭知縣賀生日

潘岳閑居已覺二毛之見盧仝破屋忽驚三印之來
愛之欲生錫以難老親戚情話若是綢繆宇宙吾生
不勝感慨矧復贈我永言好之讀三星行誰解嘲於
南斗壽八百歲尚微福於彭城

回太和趙宰賀生日

三載淵明幸相望於五柳今年潘岳覺已見於二毛

懷哉好音賁我初度愛之欲其生也忠焉能勿誨乎
一鶴自隨約青山於未老雙鳧何許感流水之相知
南華壽同太和趙尉賀生日

潘岳閑居已覺二毛之見廬仝破屋忽驚三印之來
爲此大小年之光異哉神仙尉之寵錫以難老愛之
欲生陽春白雪之詞真成寡和流水高山之約安得

相逢

同胡宣教賀生日

春華如水驚三紀之流光夏綠滿園又一年之初度
方拾薪而煮瀑姑擷草以供茶敢意谷虛有來庭賞

錫之厨珍以起其牢落將之篋厚以申其慇懃門外
桑弧白嘆男兒之老里中羊酒敢忘親戚之情

東門掃軌方尋歸隱之盟依山結廬聊作奉親之計
正辛勤於結構辱折寄於芳馨室虛分塊比之春庭
賁委繽紛之貺想兒郎之歡喜共舉草堂謝介使之
勤渠寄將梅驛

賀朱太傅得祠

楓陛疏榮葢宮領秩平分風月暫橫綠水之舟寄傲
烟霞新入壺天之宇相羊得所進退有階恭惟某官

一世精英盛年華要春風滿座人知公揆之懷雲谷
讀書我得晦翁之樂聞已速夔龍之武未容高鴻鵠
之飛某同志有人相期何許卧箕管谷正尋白水之
盟望麻姑山輒致黃冠之賀

送常主簿成功赴宏詞科

徑辭矮屋前赴大科開五十難以試教官是名上等
分十二體以取詞學尤見宏材慶熊魚之得兼觀龍
象之第一某冬烘自昔晚歲相期从此竝音不到蓬
宮之處看君名第又光杏花之年

我輩蓬蒿正堪羅雀美人錦綉上有棲鸞懷哉六識
持此三過某官鳳其颯颯麟兮振振吹太乙之烟藜
歛然特起織天孫之雲錦燁乎相輝有是簿耶自此
升矣某細敲白石遙想緣綈看南山之雲惠而好我
穿東郭之履欲往從之

回吉州陳守緯

台州人葉西澗
表親大常丞

分牧龍藩此非子坐退耕鶴隴乃得公書紛六轡之
光華亶一廛之榮寵某官照人白雪有脚陽春蒙福
凡十萬家民歌載路薦人至二千石相譜滿門籍甚
噓枯居然起廢某豈堪作吏真足爲氓儻一壑之無

他維五雲之在上吟詩自樂退求元亮之心設榻相看從感陳蕃之意稟酌不敏推謝未央

賀前人除福建倉

藩條報政庾節敷綸雲閣森嚴上接神奎之府天因明概下臨瀕女之虛天啓九遷民爭二竟恭惟某官渾金璞玉甘雨祥風家有旂常籍甚東山之名姓身雖朱紫依然太學之儒生早騰駿馬於雲霄遂主神螺之風月人懷惠政帝有恩言奪南國之二天遺東甌之一佛常平典在武夷之文獻可尋宰相時來文

穆之聲猷孔邇某退耕滕野喜趣曹裝輒持行李之

恭庸展塗芝之慶事大夫賢者自附於攀廟以到
公歸公將不勝其賀厦其為頌拊曷竟敷陳

賀劉省元慶薦登科

辛未省元甲科
第九人衢教

蘭宮拔穎甲第傳臚過千曰俊過萬曰英人間健筆
第一為魁第九為弼斗北修名柯峰翠濕於飛纓泮
水清搖於振鐸行徹臬比之席卽歸鷺翻之班某正
僻耕寬遂稽箋賀賦雲山之如樹焉得往從摩石室
之蒼苔不堪持增

迎寧國交代孟知府

恭審肅將一此言牧雙溪紫馬西來照旌旗而出色

玉麟外遣覺篆籀之生輝上日先庚懽聲旁午竊深
慶抃欽以某官羔裘豹袖玉質金相說書而動京師
素積行秘書之學把麾而去江海重爲賢刺史之勞
少稽漢郡之三公嘉惠建州之千里某夙哉望歲際
此行春宛水明樓已敬虛於中舍昭亭簇騎敢先候
於前茅謹具申聞伏惟丙照

除湖南憲通交代李樓峰

李改除漕

東風一道喜鵲錦之生花元日十行愧牛衣之換繡
幸甚葵丘之新好託於杏苑之舊盟一介施先七襄
敢後恭惟某官負宇宙之志出文獻之傳高山深林

世載其魁傑青天白日人知其清明地望接乎西平
聲名垂於北斗瑤編玉牒參天上之神仙紫界粉墻
隔人間之風雨盍鳴珮而登馭姿乃彌節而下陸
峒民五袴而牛犢滿家米萬穡而蚕桑遍野屬凝旒之
西顧遂持斧以湘行風動寒帷祝融七十二峰之雲
曉星沉貫索太微二十五宿之芒寒江春洗蘅莊之
愁庭晝卧桁楊之影方山搖而缶動俄斗轉而星移
五丈原之流馬木牛運於樽俎八景畫之晚鐘沙雁
同是江山我公之二界無爭先君之四封如舊然而
江濤如許原隰謂何温公嘆子駿之福星不宜居外

文正服張公之大體引以歸朝爰重申權式光前軌
其生而翫懣分也嶽峙飲蘭露餐菊英哺鳥有味裂
荷衣焚芟製麩鹿何心每爲桑甫之吟有感長沙之
賦曩於飛輓徒觸危機今見平郊猶驚曲木賴有同
年之宿昔五爲一日之交承春爲秋先秋爲春後甲
入乙舍乙入甲家曲江會處之風流南岳雲邊之禮
樂荆俗相傳於佳話蕭規幸淑於前猷睇駟駘之
華敢云並駕隨雲龍而上下儻許執鞭欣蹈之

既

文正

王

天

文

既

賀前人改除湖北漕兼知鄂州

日陞揚綸冰輶作屏北斗丹梯勾陳玉檻聯郎宿於
天階渚宮碧樹巫峽青山迎福星於江夏光稠符玉
色動轡絲恭惟某官鐵馬行空金虬驚海離離珠璧
俯懸黎垂棘之光耿耿斗牛虛干將莫邪之氣灑翠
竹碧梧之韻度發清霜紫電之神竒太微二十五星
旌搖江漢祝融九千餘丈節倚雲霄當驅馳吟遣使
之詩每慷慨讀出師之表落落襄樊之事會悠悠江
漢之風寒局面一新機神頓聳師垣制勝集忠益而
開誠心帥閫請行從便宜而上方畧武承先志孰與
明公乃峻冰臺乃陞寶度練鵲錦之廉車改觀黃鶴

樓之衛戟生風，餉高密之師，借恂河內，詔西平之子。
贄度淮，堧節鉞合而氣勢張，弓矛重而精神壯。北伐
歌功於六月中，興刻頌於萬年樓。船過洞庭，旌旗直
下，閭闔開黃道，袞烏遄歸某方。協寅衷喜，傳卯詔界
上爭杜衍，想其戴於我公。方面待乖崖，將遂誇於吾
榜。行行會弁，疊疊賀床。

賀前人生日

暢月先春，福星初度。朱綬錦艾，聯赤壁之六絛蓬矢。
棗弧絢紫微之五色王書，吐醖繡綬生輝。恭惟某官
風骨清剛，精神大耐。仙人駕黃鶴，色照渚宮。老子躋

青牛氣浮函谷壽八荒而稟福律九寸以迎長棠陰
照响曠之央十分翠曉桃影近蓬萊之水一朵紅雲
綦夙分碧落之香遠認瑤池之色一車以南一車以
北軫軫相望千歲爲春千歲爲秋心心持壽

大華殿賀化地冬

恭惟某官正國烈勳隆國

舞雲門而葵至六瑄函和占星壁之正中三階齊色
芝香丹禁穀介黃扉恭惟某官心見乾坤身持元會
御床親捧耀五龍夾日之光寶鼎密調胚萬象皆春
之意燦火城之鶴磔領圭舄之鴛行宜裒挾北之和
茂集陶鈞之福一陽出地露玉燭之光芒五色書天

開金穰之瑞慶某叨繼乘輶之乏殊慚把繡之長綸
色線於帝裳乃心上袞跂黃雲於仙鞵莫尾賀某頌
詠情深敷棗喙短

賀化地正

帝堯授曆肇開平秩之端周公爲師實主泰和之運
光華絕席缺北方維恭惟某官玉燭際蟠鈞陶動植
調元神門心包太極之春捧日扶桑色照蒼精之角
條鬯東南之溫厚墳簞上下之明良拜晉國大夫人
慶祥符之真宰邁潞公平章事登元祐之昌期億載
敬休八荒開壽某圍身洪播稽首獨班三陽君子泰

來仰贊茹茅之盛四牡王事靡盬俯同苞祀之生致
賀輪囷踐枕稿秭搗玉玉

賀策書冬

晷躔南陸一線迎長星麗西樞三階齊色哀時葵祉
穀我英髦恭惟某官元會運之經綸天地心之橐籥
黃雲乘輶蕭劒履於大昕繡日補裳領衣冠於亞歲
鼓舞黃鐘之雅陶鎔緹幔之溫萬物生輝回餘光於
草木八荒開壽鬯新渥於乾坤某承乏湘輶馳瞻魯
觀芸香透暖尚憐采若之寒梅意先春預闔和羹之
候葵葵是祝草草奚殫

賀叅政正簽書樞密院兼

東角耀芒開三朝之景運西樞齊色轉萬象之洪鈞
碩輔均弘方輿錫羨恭惟某官明謨贊化熙績亮天
金鼎調元共幹泰和之運玉衡測影首參平秩之功
塤箎宥密之經綸鼓舞明良之際會徽歌中國壽細
柳之春風花滿上林揭扶桑之曉日四方來賀三壽
作朋某身逃馳駢神傾塊北拔茅連茹言觀君子之
風集杞方苞尚念使臣之遠輪囷致頌藁桔箋忱

行部潭州謝江丞宴

古之學必有師甫趨函丈子使人歌而善肅拜初筵

春風渭北之旗夜月洞庭之樂簫韶俗耳冰雪征塵
車攻慶六月之詩先聞吉語帝所聽九成之奏再相
太平

回前人除特進送禮

上公國輔相望邈綏之華特進天
人忽枉鸞飛之字
溥乾坤之新渥賁响嘯之行雲庭
實熒煌鈞和塊比
芳洲杜若被紫駝翠釜之榮驛路
梅花看赤舄繡裳
之覲熏香謹謝伏爾沂馳

送前人九日禮

宴龍山九九之節夙後雄藩開鶴
休七七之花今逢

真宰風清六
燾霜肅九州
恭惟某
日赤烏元圭
瑠戈

錫盾酌長沙
酒快春水之
曉行賦
北門詩喜秋
花之

駉看小馳戲
馬重補袞龍
某記影
星垣驚心
飈館跂

芙蓉之頂想
千乘之登高
折茱萸
之房爲三公
而持

壽

同前人送九日禮

天開紫葢秋
高淡圃之香
星下碧泉春
到長沙之酒

飛卷五雲之
風雨光華九
日之山川味
也采深恩斯

局稱北門看
菊幸與分玉
帳之清內殿
傳棋聞已下

金甌之信

賀前人冬

春入重緹欣聽雷
斲之壽台明上
發具瞻并鏡之
穀我龐臣裒時
疇祉恭惟其官
量包元氣心見
先天
冠漢殿之仙班
火城如畫補舜
裳之五色宮線
猶香
卷舒昭文館之
春風布濩祝融
降之曉露
露出邑
芸荔含和愛日
迎長開一氣八
荒之壽瑞雲促
觀領
五更三點之朝
某迹固轉鈞心
馳獻履近依星
軫愧
直指之綉衣遥
贊雲門歸碩膚
之
赤烏薄言燕賀
永
矢蚤鳴

送前人折筵

卷之二

肇九寸律柄屬洪鈞建十丈旗光
生几鳥馳想雲和
之瑟莫陪壽軫之觴薄注鄴清式
歌魯瑞出乘仙軿
遙修南至之恭八棒御床預致東
歸之慶瀆嚴增惕
錫頓爲榮

回前人送冬酒

嗟嶰谷之陽方覃鈞播照鄴湖之淥忽拜袞題有華
舞袖之春風增資綉絲之曉日淺深存燮理滿傾北
斗之天漿德澤布光輝跪沐南山之雲氣輪囷鏤感
豪格刊申

賀前人正

龍杓麗壙天開泰內之陽驛騎明春星起軫中之壽
和薰青瑄喜動黃麻恭惟某官心會陽宗身扶人統
徽明帝袞迎瑞白於東郊癸煥公主照蒼精於左角
卷劍氣玉烟之彩增綉裳赤舄之榮東作有三百六
旬陶鈞一轉中書歷二十四考鼎鸞重新戒前路之
鸞凰涕歡聲於童馬某喜逢雞朔論贊熊旂光遠火
城又獻大椿之歲寒噀雲會敢忘寸草之春跋賀心
馳箋枕喙短

送前人酒

開條風於獻節瑞藹三朝介壽酒於公堂春生西履

歟神光於雲岳拓喜氣於沙堤輒持露滋之濯樽聊
贊鈞天之和鼎不匱錫爾類懷哉萱草之詩再入福
蒼生如此椒花之頌薄將凌躡賜頤欣榮

同前人送春

春回大簇開雲氣於南山曉醉長沙酌天漿於北斗
挹注偏提之潤薰蒸統部之和綠爭生香洪鈞轉煥
八仙地隔莫陪左相之杯太乙風生諭贊東皇之席
卷卷鼓吹草草箋忱

賀前人赴召

銀信騰霄金書照閭映南雲之紫葢春滿江湖歸東

雨之袞衣天開閭闔行官絡繹統部歡呼恭惟某官
以大宗師爲真宰相文章若雷霆河漢玉色金聲言
行質天地鬼神丹心白髮出納祝融峯之日月卷舒
昭文館之星辰北門小頰魏公盡寬上顧中國再相
司馬坐攝衷心仙人駕綵鳳以傳音老子馭青牛而
入觀碧涵汀芷曉清沙路之塵黃把庭麻夜轉火城
之影某囿身化冶舞手揚綸大老盍歸乎來共致巖
瞻之喜君子永錫爾類終徹鈞播之私跂賀次飛感

詞甚枯

通羅提舉京子 號牧隱

天困照楚瞻駟轡之濡絲雨耒耕綿愧牛衣之易綉
合臺容之永好嚴墮贄之先恭欽惟某官冰浸玉淵
雲崢鐵壁沮金石諧韶濩音振蓬萊踞虎豹登虬龍
氣摩响嘯覽德揮翔千仞而下迴狂瀾障百川而東
萬鍾何加一介不取寧航選海棹頭不揖於王公使
夢鈞天平步可登於卿相莫屈英英之氣何求赫赫
之名以恢乎玉山壁府之才亦屑於金罍監之屬
再命而俯一車以南霜飛暑路旗展春出金聲中朝
輝煌周隰玉振江左照映熊湘起視西北之風濤誰
是東南之砥柱必平居曰法家曰拂士則臨事爲孝

子爲忠臣參文公之政於浙西舉行殆遍凜清獻之
風於殿上植立方來某政酣啜菽之甘不作覆蕉之
夢長鏡爲命忽持斧以重來曲木猶驚雖循墻而莫
避幸甚星臺之近聿爲隣燭之輝繼自今爲王事之
畛增昔者寅周行之氣九折回王尊之馭爲範馳驅
四方隨東野之龍願從鞭弭匪伊拜下莫旣由中

回前人干批書

舊例監司交批

疇庸天庾趣駕星闈戒嚴繫日月之書茂對照乾坤
之渥某稟承有恪古署知榮謹具劄子復申藁桔萬

送前人七夕

蟾兩旗之耀獨立秋風依六轡之光相望七夕來綉
口錦心之巧贈玉盤金錯之英鄰酒春深客堂涼透
牽牛織女看夜度於天街語燕留人且曉吟於湘水

請前人宴

濯錦湘江欣覩乾坤淑
灑灑楚觀頗懷風月之談
忘蒙賓之爲嫌冀謙尊之肯訪薄言卜日爲慶朝天
富以其鄰且細論於尊酒德將無醉願小駐於鋒車
某軌擬翌日敬邀崇重

回前人折送

錦闌星度喜渙禁綸畫舫雲來特開臺宴爲折瀟川
之淥頓生楚觀之春酌卽官清卷碧筩而遙謝懷美
人贈慚荆壁之無酬

請前人九日宴

紅杏舊雨迎天困之綵黃花佳節又飛冰篆之丹
膏車已動於行雲流馬聿來於今雨偶龜明日薄燕
清風莫置錦屠蘇且拚小飲已鑄黃金卽行慶異除

送前人折筵

鵲立春霄帥雲霓而來御鴈拖秋色喜風月之共談
欲挹注於黃流盍招呼於綠淨跼效折枝之竇想爲

會節之煩飲露供騷何取水中之薜荔倚雲同味共
看江上之芙蓉

通董提舉楷

號克齋永嘉人前知瑞州

魏闕揚綸熊湘授庾刺史二千石雲度錦河天囷十

三星春浮絲隰六條先曉一道生風恭惟某官闕冠

雲霄樓高湖海沮金石諧韶濩音振蓬萊踞虎豹登

虬龍氣摩鴈蕩清泚三蘇之頽水崢嶸二陸之象山

自崑丘鳳穴之鳴陽卽溟海鵬雲之增翮上下浙江

之明月早透金閨翱翔陸路之春風曉聽魚鱗灑灑

清都之人物飄飄碧落之神仙張乖崖斬叛卒於益

州駭動之餘富鄭公活饑民於青社荒殘之後璽書
選表環召歸班大府上士之清聯帝思前席常平使
者之新轡公念南湘以醴泉芝草之春爲芳芷杜蘅
之澤九郡顛顛而望賜四牡業業以戒嚴霜飛暑路
旗展春山已搖翠岳烟傍袞龍日臨仙掌遶侍紅雲
某夙出年盟今諧鄰好萬里風雲之天關一襟草木
之味同祝融山外之芙蓉肅迎紫氣泰華降頭之水
雪佇沐清風

回前人到狀

夙綴鴈題今聯駱轡欽侯清風之戾止亟馳新雨以

恭先甫快低簪居屨飛翰天囷星近喜不隔於光華
湘水月明尚嗣承於談笑

迎前人

星槎度漢天庾明湘舟鳳斲書光照朱維之色蒼龍
授節清搖綠淨之波禮樂輝煌旄倪鼓舞恭惟某官
文章大雅節概真清玉立九關徹芒寒於霄漢春行
千里蓄精銳於雷霆屢培後戶之本根少屈廉車之
步武任一道常平之寄推九重博濟之仁不待突黔
趣歸橐紫某寅同下隰蔭接芳隣大史新占看德星
之照軫故人舊識喜今雨之來車

送前人洗拂

振衣碧落彌節朱陵祝融驅海若藏江山搖動風伯
清雨師灑原隰昭蘇言解征駮驩傳回鴈某年盟有
夙鄰蔭方新吉日思已慶拂龜之喜皇華近止輒
陳秣馬之恭

回前人送私覲

今雨來車方連雲於回鴈清風落袖忽分覲於懸魚
俸旅實以若驚恍使華之如對報青玉案頗懷客况
之寒望黃金臺惟謝年情之厚

謝前人招宴樂語

雲垂臺蔭偶陪湘水之行風度伶音恍聽洞庭之奏
和氣一堂之律呂年情四海之弟兄矧燕花飛舞之
時正鵲錦交輝之且充庭有喜滿座爲春故永歌之
尚想五章之禮樂式相好矣永懷一片之宮商

送前人新除禮

峰回秋色寒誰留兮中洲臺立春冰歷余征於吉日
烏奕車輿之彩葳蕤袍鵲之花注綠淨以傾馳曉青
空而折寄洞庭霜熟是爲正好景之時閭闔雲開嗣
貢真福星之賀薄言卷俎莫窕衷旌

送前人折俎

臺冰正色錦袍生春馳華轡之六絲軫星增煥鑄黃
金之一節融缶如新修令具孚耄倪胥抃其阻奉卽
真之賀輒修攝飲之恭禮無體樂無聲慙慙直寄南
有箕北有斗清淺相望持瀆恣恣麾留荷荷

或立矣回前人中秋請宴

照江疊節載畫舫之清冰待月舉杯呼芳樽於綠淨
拜華星之墜凡約明月之浮槎風雨滿城何幸兩重
陽之近江山如畫尚從前赤壁之遊稟藉申酌輪囷
嗣布

回前人折俎

汪叟湖之濑助慶臺春然楚竹之清倍分鄰燭載塵
卷俎如持秩邈援北斗以酌天漿既知賜矣醉長沙
而行湘水悵莫從之

回前人送酒

福星明處甫羞北斗之漿今雨來時又報長沙之酒
起立寒梅之月影坐添凍草之春萌雖軫軫之相望
真心心之不隔白絹之封三印報不成章黃麻之似
六經又將來賀

賀前人冬

春入重緹欣聽雷藝之奏星垂練錦亦瞻沙軫之輝

履此一陽賁然雙節恭惟某官聲名雷動意度春融
大雅正音得黃鐘之渾厚純和元氣探寶鼎之綱緼
卷夜月於蓬萊布曉雲於岫嶺蒹蘭出色芸荔生香
君子得興開千載一時之會使臣濡轡催五更三點
之朝某斧綉何功臺雲借蔭暖回鄰壁先鳴鳳之六
筓光近福躔會牽牛之七曜通恣喙短馳賀心長

又送冬至酒

五紋添綉線日麗旌旗一節鑄黃金春生霄漢馳想
雲和之瑟莫陪壽軫之觴薄注鄙清式歌魯瑞九疑
仙人之鞮正快曉行四牡使臣之車卽催元會竄嚴

回前人請宴

堂有白髮親談塵便俎公鑄黃金印爲舉初筵移來
長沙酒之芬馨喚起章貢臺之顏色君子永錫爾頰
已懷旣醉之歌使臣言遠有光尚借如濡之潤

送前人別會折俎

楚節易麾深味慈烏之哺湘花舞席隄瞻練鵲之輝
思君渥之綢繆膏吾車而繼繆上堂拜家慶遠借光
華痛飲讀離騷隄同慷慨區區折寄盼盼麾留

回前人別會送酒折俎

三首

以邛笮之車方隨檣燕贈蒲城之酒忽枉帳屨殷勤
折柳之情流麗飛花之影丈夫豈無別淚不灑於東
西同年亦有情雲相隨於上下銘燕妮妮馳泝泐泐
小人有母耶分竹以懷歸君子錫朋指飛花而賦別
慷慨執袂之意慙勤祖帳之交卷寄良稠銘感不足
日暮碧雲合喚游子於他鄉月明今霄多耿美人於
河漢

揭麗軫之福星喻詹正色呼歸航之明月尚沐餘光
雖已催南浦之春更爲醉長沙之曉公方行冀部卽
聯獻納之班吾亦念桐鄉終席澄清之潤懷哉折寄

臬甚判酌

賀衡州宋吏部赴上

鳳池綸曉鴈
鵲行春天
近蓬山
玉檻照西清
之直風
高湘水
朱旗壯南國
之游童竹
生驩騷
蘭出色
恭惟
某官
山輝川媚
雪跨霜懸
遠景樓高
拂西眉
之意氣
靈光殿
爛接東魯
之風流
砥柱百川
大車九軌
金鑰
玉珂之凌厲
粉墻紫界
之蹁躑
海荔晴雲
會度兩轡
之影溪茗
夜雨尚留
六轡之光
卷紫氣於
河球
韻神
芒於浦
劍屈訪禹
碑之竒字
小凝帟
戟之清香
驅龍
蛇放之
菹春生
敏手
棄騏驎
道夫路
雷動先
聲佇風

幕之圖春聽今禱之歌暮朱陵道院嘗分翠岳之輝
碧落仙人行侍紅雲之近某牡驅何補麗技已窮地
帶九州輝最親於鄰燭月明千里影卽對於朋簪盥
露沄沄遡風豐豐

回前人到任狀

小車戒曉猥隨竹馬之塵森戟臨風快覩梧鸞之彩
纏纏襟期之新雨煌煌手畢之華星封侯識荊州已
諗度關之氣低頭拜東野願從開岳之雲儲謝輪囷
刊酌梗概

前人到任宴

虎符新渥聿來聚軫之輝鴈嶠初春喜接浮關之氣
粲梅花之照眼橫杜若以論心欲龜告朔之朝薄燕
行春之色共剪西窓燭迎桃李之春風爲酌北斗漿
卷瀟湘之夜雨

送前人洗拂

露溶朱旆已空綠淨之塵烟淡綉隅莫侑清香之宴
來新多喜飲至有葵花邊立馬竹裏行厨木末寒蓉
耶將錦蘊水中采薜謾贖春容輶瀆知慚麾留爲寵

謝前人招宴致語

衡陽虎符之春新端碧落湘水燕花之夜共醉清吟

藹禔介之倡酌發伶倫之揄詠恭惟某官黃鐘瓠越
丹井甘寒咳唾珠璣五鳳樓之錯落擊撞金石九龍
簾之春容妙言語之齊諧寄音容於趙舞某味深登
席寵復歌詩相如文豈類徘徊敬肅齊心之謝曾侯永
錫難老莫酌思樂之章什襲意長七襄辭訥

送前人特會折俎

慶棨戟之遙臨幸依香燕講尊彝之特試敢去餼羊
折騷客之芳馨效野人之綿蕪樂無聲禮無體耶寓
懇勤比有十南有箕相望清淺恣恣持瀆盼盼麾留

前人送物

詹新府之檐帷有光下隰來美人之錦綉於粲西珍
庭實生香江空出色綠文赤宇徒深什襲之榮青玉
明珠莫寓七襄之報填膺多謝待而縷陳

回前人賀雪

行湘水之春天開光霽呼霍山之雪風起纈紛手提
五袴之溫心出六花之瑞幻塗鴉之玉界賞回鴈之
璫田清憶廣平公莫形容於天巧白戰潁水上預贊
詠於年豐

回前人饋歲

官居家節坐閱壘茶兵衛清香特分滌醴來使華於

千乘雜侯餽之八珍喚醒春意之繽紛倍覺寒聲之
辟易歌椒頌而懷杜甫諭贊凝森持梅花以謝廣平
莫酌清絕

謝前人聚宴折俎

諸侯應郎宿之躔來從劍外太史奏德星之聚偶與
席間傳風味於鄴湖歛陽和於楚觀黃堂一杯酒復
佩交情青烟五侯家諭馳謝臆

送前人聚宴折俎

凝香森衛戟近揖春和舉瓢酌天漿有懷星聚爰垂
澗溪之末薄陳俎豆之前爲細民斟諭想賦西園之

雪從太守樂駕言隨東野之雲瀆餉懷漸麾留爲幸

同前人賀正

斗指蒼龍轉陽和於雄律尊分白獸來瑞氣於雌堂
曉酣栢葉之香煖轉梅花之色稱壽觥而頌魯散作
春和下褒壘以徵黃竹看天渥有華什襲莫報七襄

同前人請元宵宴

麗譙龍炬春輝左角之星碧落燕香夜對西眉之月
特枉金玉章之貺許從雲霞佩之游遶建章立通明
預視六螯之宴醉長沙行湘水且聽五馬之謠

請前人元宵宴

轉西樓之明月喜對銀花持北斗之桂漿擬陪畫戟
僭卜仍圓之夜共流引滿之霞敲鐵馬之春水肯來
楚觀賦石屏之夜燭細說巴山

回前人請聚宴

虛危出福星光生鴈嶠斗牛有紫氣喜動燕香爲開
北海之尊如會長沙之節益者三友懷練錦之新輝
襄我二人歌緇衣之永好感深緹襲愧後刊辭

除贛守回宋衡袖劄請宴

馳隰何功沐崆峒之新雨秩筵有命開岫嶺之春風

整然出徐爾音爲我助回車之喜江湖千里將解

塵影之光梳李一杯尚聽禰歌之譜彌襟傾感走筆
刊酌
請前入宴
太行望吾親舍偶遂陳情合江和使君詩正堪握手
敬龜明日得燕清風銜杯接慇懃聊盡湘行之趣上
堂拜家慶取忘穎錫之私微惠賁然坐邀而甚

請前入別會

致節言歸借末光於郎錦飛花執別馳遠夢於客帆
小湔袞於語朝更徘徊於勺水呂暮碧雲合不勝午
遠之情月明今宵多且盡相親之興坐邀交躡惠肯

知榮

回前人還請

北太守之新符獲傳民諳問征夫以前路乃辱祖庭
方繾綣於飛花更慇懃於折柳南有箕比有斗所願
挹漿君向湘我向秦若爲聞笛懷哉傾倒帥是刊
謝送禮物

捧檄江城喜固二天之照折柳驛使歡傳千里之

煌煌麾節之夏盟纒纒雲仍之新好某官誼隆金石

香溢芷蘭誰將西歸懷之好音莫殫深謝詩曰不膺

永錫爾頌哉戴殊知菹禮將忱醜顏匪報

